


性理大全

漢書門	卷一百一十五	卷一百一十六	卷一百一十七	卷一百一十八	卷一百一十九
	卷一百二十	卷一百二十一	卷一百二十二	卷一百二十三	卷一百二十四
	卷一百二十五	卷一百二十六	卷一百二十七	卷一百二十八	卷一百二十九
	卷一百三十	卷一百三十一	卷一百三十二	卷一百三十三	卷一百三十四
	卷一百三十五	卷一百三十六	卷一百三十七	卷一百三十八	卷一百三十九
	卷一百四十	卷一百四十一	卷一百四十二	卷一百四十三	卷一百四十四
	卷一百四十五	卷一百四十六	卷一百四十七	卷一百四十八	卷一百四十九
	卷一百五十	卷一百五十一	卷一百五十二	卷一百五十三	卷一百五十四
	卷一百五十五	卷一百五十六	卷一百五十七	卷一百五十八	卷一百五十九
	卷一百六十	卷一百六十一	卷一百六十二	卷一百六十三	卷一百六十四
	卷一百六十五	卷一百六十六	卷一百六十七	卷一百六十八	卷一百六十九
	卷一百七十	卷一百七十一	卷一百七十二	卷一百七十三	卷一百七十四
	卷一百七十五	卷一百七十六	卷一百七十七	卷一百七十八	卷一百七十九
	卷一百八十	卷一百八十一	卷一百八十二	卷一百八十三	卷一百八十四
	卷一百八十五	卷一百八十六	卷一百八十七	卷一百八十八	卷一百八十九
	卷一百九十	卷一百九十一	卷一百九十二	卷一百九十三	卷一百九十四
	卷一百九十五	卷一百九十六	卷一百九十七	卷一百九十八	卷一百九十九

114812  
114813

内閣文庫		
番號	漢	11617
冊數	40 ( 7 )	
函號	299	35





新刊性理大全第九

溫陵 九我 李太史 校正

皇極經世書三

邵伯溫解

觀物內篇之一

物之大者無若天地然而亦有所盡也

乾陽物也坤陰物也乾坤謂之物則天地亦物也

天地有物之大者耳既謂之物則亦有所盡也然

而有所謂悠久無疆者固未嘗盡也

天之大陰陽盡之矣地之大剛柔盡之矣

四時  
四維

立天之道曰陰與陽立地之道曰柔與剛天地之  
道不過陰陽剛柔而已

陰陽盡而四時成焉剛柔盡而四維成焉夫四時四  
維者天地至大之謂也

成斯所以為至大也  
四時春夏秋冬也四維東南西北也萬物由是而生

陰陽消長而為寒暑一寒一暑而四時成焉剛柔  
交錯而有夷險一夷一險而四維成焉四時者天  
之道四維者地之理也萬物由是而生由是而成  
也萬物由是而生由是而成斯所以為大者也

動靜  
交而  
天地  
之道  
盡

凡言大者無得而過之也亦未始以天為自得故能  
成其大豈不謂至偉至偉者歟

大哉乾元萬物資始至哉坤元萬物資生物之資  
始資生可謂大矣然不自以為天故能成其大也

天生于動者也地生于靜者也一動一靜交而天地  
之道盡之矣動之始則陽生焉動之極則陰生焉一  
陰一陽交而天之用盡之矣靜之始則柔生焉靜之

極則剛生焉本剛清柔交而地之用盡之矣  
天圓故主動地方故主靜動之始則陽生本乎動

性理大全卷九  
皇極經世  
二

性理大全卷之九  
始則柔生本乎靜者也地雖主靜靜之極則剛生  
有時而動矣此所謂一動一靜交而天地之道盡  
之矣蓋言其體則天動而地靜言其用則天有陰  
陽陰靜而陽動也地有柔剛柔靜而剛動也是天  
地皆有動靜也此所謂一陰一陽交而天之用盡  
之矣一剛一柔交而地之用盡之矣  
動之大者謂之太陽動之小者謂之少陽靜之大者  
謂之太陰靜之小者謂之少陰

統言之則曰陰陽剛柔陰陽剛柔又有小大則為  
太陽少陽太陰少陰太剛少剛太柔少柔也

太陽為日一陰陽剛柔陰陽剛柔  
日者至陽之精也故太陽為日在地則為火先天  
圖以乾為日乾之位在此正南

太陰為月一陰陽剛柔陰陽剛柔  
月者至陰之精得日氣而有光故太陰為月在地  
則為水先天圖以兌為月兌之位在此東南

少陽為星

少陰為雲

三

星者日之餘有光而見故少陽為星在地則為石

先天圖以離為星離之位在于正東

少陰為辰日月星辰交而天之體盡之矣

辰者天之土不見而屬陰故少陰為辰在地則為

土先天圖以震為辰震之位在于東北

太柔為水

水者天下至柔之物也其性潤下故太柔為水在

天則為月先天圖以坤為水坤之位在于正北

太剛為火

火者天下至剛之物也其性炎烈故太剛為火在

天則為日先天圖以艮為火艮之位在于西北

少柔為土

土之為物亦柔也其性輒緩故少柔為土在天則

為辰先天圖以坎為土坎之位在于正西


**釋音** 輒乳充 反柔也

亦作

少剛為石

石亦剛物也其性堅故少剛為石在天則為星先

天圖以巽為石巽之位在于西南此圖繫辭所謂天



本體  
致用

地定位山澤通氣雷風相薄水火不相射是也此所謂伏羲八卦也或曰皇極經世舍金木水火土而用水火土石何也曰日月星辰天之四象也水坎土石地之四體也金木水火土者五行也四象四體先天也五行後天也先天後天之所自出也水火土石五行之所自出也水火土石本體也金木水火土致用也以其致用故謂之五行行乎天地之間者也水火土石蓋五行在其間矣金出於石而木生於土有石而後有金有土然後有木金

者從革而後成木者植物之一類也是豈舍五行而不用哉五行在其間者此之謂也皇極經世用水火土石以其本體也洪範用金木水火土以其致用也皆有所主其歸則一或曰先天圖八卦次序與所為之物與周易不同何也曰先天圖八卦次序始於乾而終於坤此先天也伏羲八卦也周易自帝出乎震至成言乎艮此文王八卦也非獨八卦如此六十四卦亦不同也伏羲易無文字獨有卦圖陰陽消長而已孔子於繫辭亦嘗言之矣

生理大全卷九

聖人立法不同

聖人立法不同其道則相為先後終始而未嘗不同也此皆有至理在乎信道者詳考焉

八者備天

水火土石交而地之體盡之矣  
混成一體謂之大極太極既判初有儀形謂之兩儀兩儀又判而為陰陽剛柔謂之四象四象又判而為太陽少陽太陰少陰太剛少剛太柔少柔而成八卦太陽少陽太陰少陰成象於天而為日月星辰太剛少剛太柔少柔成形於地而為水火土石八者具備然後天地之體備矣天地之體備而

地之體

後變化生成萬物也所謂八者亦本乎四而已在天成象日也在地成形火也陽燧取於日而得火火與日本乎一體也在天成象月也在地成形水也方諸取於月而得水水與日本乎一體也在天成象星也在地成形石也星隕而為石石與星本乎一體也在天成象辰也在地成形土也自日月星之外高而蒼蒼者皆辰也自水火石之外廣而厚者皆土也辰與土本乎一體也天地之間猶形影聲響之相應象見乎上體必應乎下皆自然之

理也蓋日月星辰猶人之有耳目口鼻水火土石  
猶人之有血氣骨肉故謂之天地之體陰陽剛柔  
則猶人之精神而所以主耳目口鼻血氣骨肉者  
也故謂之天地之用夫太極者在天地之先而不  
為先在天地之後而不為後終天地而未嘗終始  
天地而未嘗始與天地萬物圓融和會而未嘗有  
先後始終者也有太極則兩儀四象八卦以至於  
天地萬物固已備矣非謂今日有太極而明日方  
有兩儀後日乃有四象八卦也雖謂之曰太極生

兩儀兩儀生四象四象生八卦其實一時具足如  
有形則有影有一則有二有三以至於無窮皆然  
是故知太極者有物之先本已混成有物之後未  
嘗虧損自古及今無時不存無時不在萬物無所  
不稟則謂之曰命萬物無所不本則謂之曰性萬  
物無所不生則謂之曰天萬物無所不生則謂之  
曰心其實一也古之聖人窮理盡性以至於命盡  
心知性以知天存心養性以事天皆本乎此也  
日為暑



大陽為日暑亦至陽之氣也

月為寒

太陰為月寒亦至陰之氣也

星為晝

少陽為星晝亦屬陽

辰為夜

少陰為辰夜亦屬陰

暑寒晝夜交而天之變盡之矣

日月星辰交而後有暑寒晝夜之變有暑寒晝夜

之變而後歲成焉

水為雨

雨者水氣之所化

火為風

風者火氣之所化

土為露

露者土氣之所化

石為雷

雷者石氣之所化然四者又交相化焉故雨有水

雨有火雨有土雨有石雨有水雨則為霧霽之雨火

雨則為苦暴之雨土雨則為霖霖之雨石雨則為

雹凍之雨所感之氣如此皆可以類推也

白切霖莫ト切釋  
名小雨曰霖霖

雨風露雷交而地之化盡之矣

水火土石交而後有雨風露雷之化有雨風露雷

之化而後物生焉

暑變物之性

物之性屬陽故為暑之所變

寒變物之情

物之情屬陰故為寒之所變

晝變物之形

形可見故屬陽為晝之所變

夜變物之體

體有質故屬陰為夜之所變

性情形體交而動植之感盡之矣

性情形體交而後有動植之感感者唱也陽唱乎

陰也

雨化物之走

雨潤下故走之類感雨而化

風化物之飛

風飄揚故飛之類感風而化

露化物之草

露濡潤故草之類感露而化

雷化物之木

雷奮迅而出故木之類感雷而化然飛走草木又

更相交錯而化如木之類亦有木之木有木之草

木之飛木之走其他皆可以類推也

走飛草木交而動植之應盡之矣

走飛草木交而後有動植之應應者和也陰和乎

陽也性情形體本乎天者也飛走草木本乎地者

也本乎天者有感焉本乎地者有應焉一感一應

天地之道萬物之理也

走感暑而變者性之走也感寒而變者情之走也感

晝而變者形之走也感夜而變者體之走也飛感暑

而變者性之飛也感寒而變者情之飛也感晝而變

性理大全卷九  
者形之飛也感夜而變者體之飛也草感暑而變者  
性之草也感寒而變者情之草也感晝而變者形之  
草也感夜而變者體之草也木感暑而變者性之木  
也感寒而變者情之木也感晝而變者形之木也感  
夜而變者體之木也性應雨而化者走之性也應風  
而化者飛之性也應露而化者草之性也應雷而化  
者木之性也情應雨而化者走之情也應風而化者  
飛之情也應露而化者草之情也應雷而化者木之  
情也形應雨而化者走之形也應風而化者飛之形

也應露而化者草之形也應雷而化者木之形也體  
應雨而化者走之體也應風而化者飛之體也應露  
而化者草之體也應雷而化者木之體也

**釋音**  
應去声  
物相應

**未**  
又相  
當也

天地之生物所以萬殊而不同者以感應之交錯  
也感應之交錯所以謂之變化也易曰方以類聚  
表物以羣分此之謂也

性之走善色情之走善聲形之走善氣體之走善味  
性之飛善色情之飛善聲形之飛善氣體之飛善味

性理大全卷九  
性理大全卷九

性之草善色情之草善聲形之草善氣體之草善味  
 性之木善色情之木善聲形之木善氣體之木善味  
 走之性善耳飛之性善目草之性善口木之性善鼻  
 走之情善耳飛之情善目草之情善口木之情善鼻  
 走之形善耳飛之形善目草之形善口木之形善鼻  
 走之體善耳飛之體善目草之體善口木之體善鼻  
 物有聲色氣味人有耳目口鼻此反言人物之有  
 所合也天地之生物皆以其類而有所合焉  
 夫人也者暑寒晝夜無不變兩風露雷無不化性情

形體無不感飛走草木無不應所以目善萬物之色  
 耳善萬物之聲鼻善萬物之氣口善萬物之味靈于  
 萬物不亦宜乎

暑寒晝夜無所不變兩風露雷無所不化性情形  
 體無所不感飛走草木無所不應然後能生而為  
 人故唯人為能目善萬物之色耳善萬物之聲鼻  
 善萬物之氣口善萬物之味不獨耳目口鼻能善  
 萬物之聲色氣味而心之官又能善萬物之理此  
 所以靈于萬物也蓋天地巨物也分而為萬物萬

心官  
 善萬  
 物之  
 理

物各得天地之一端能備天地兼萬物者人之謂也故能與天地並立而為三才孟子曰萬物皆備於我唯聖人然後能踐形能踐形則能反身而誠之求諸已而天下之理得矣衆人則日用而不知役於萬物而喪其良貴雖謂之人曾何異於物哉

觀物內篇之二

人之所以能靈于萬物者謂其目能收萬物之色耳能收萬物之聲鼻能收萬物之氣口能收萬物之味聲色氣味者萬物之體也目耳鼻口者萬人之用也

體用  
交而  
人物  
之道  
備

聖人

人有耳目口鼻物有聲色氣味人之耳目口鼻能收物之聲色氣味者蓋以人之與物本乎天地之當一氣同乎天地之一體也是故聖人盡已之性能盡人之性能盡物之性能已之與人入人之與物本乎一道故也

體無定用惟變是用用無定體惟化是體體用交而本物之道于是乎備矣

集考

已與人本同一道妙也身之體用則可以盡人

體本無體故惟化是體用本無用故惟變是用體

生理大全卷九

聖人之至

用變化天地之至妙者也。自非聖人孰能與於此。然則人亦物也。聖亦人也。有一物之物有十物之物有百物之物有千物之物有萬物之物有億物之物有兆物之物生一一之物當兆物之物者豈非人乎。有一人之入有十人之入有百人之入有千人之入有萬人之入有億人之入有兆人之入生一一之人當兆人之入者豈非聖乎。是知人也。若物之至者聖也。若人之至者物也。物之至者始得謂之物之物也。人之至者始得謂之入之入也。夫物之物者至物之

至物至人

謂也。人之入者至人之謂也。以一至物而當一至人則非聖人而何。人謂之不聖則吾不信也。物有巨細。人有賢愚。有一物之物有十物之物有百物之物有千物之物有萬物之物有億物之物有兆物之物。物之巨細如此。生一一之物能當兆物者。人之謂也。言人能兼兆物也。有一人之入有十人之入有百人之入有千人之入有萬人之入有億人之入有兆人之入。人之賢愚如此。生一一之人能當兆人者。聖人之謂也。言聖人能兼兆人

也聖人非徒能兼兆人又能兼兆物能兼兆物兆  
人又能兼天地者聖人之謂也兼兆物則謂之至  
物兼兆人則謂之至人至物者物之物也至人者  
人之人也以一至物當一至人則謂之聖人麒麟  
之於走獸鳳凰之於飛鳥物之至者也聖人之於  
人之至者也天下之物或相倍蓰或相千萬物  
之不齊物之情也物之不齊如此唯聖人能盡之  
者以能兼兆物兼兆人又能兼天地故也

枚切重也蓰想里切釋名  
物數加倍曰蓰五倍曰蓰

釋音  
倍蓰  
倍蒲

何哉謂其能以一心觀萬心一身觀萬身一物觀萬  
物一世觀萬世者焉

又天下人之心一人之心是也故能以一心觀萬心  
天下人之身一人之身是也故能以一身觀萬身  
萬物之理一物之理是也故能以一物觀萬物萬  
世之事一世之事是也故能以一世觀萬世聖人  
能兼天地人物又能兼古今故能如此  
又謂其能以心代天意口代天言手代天工身代天  
事者焉



聖人心合天意言行皆與天合故能以心代天意  
口代天言手代天工身代天事天地以無心為心  
天何所容心哉故唯能無心而後能代天意天何  
言哉四時行焉百物生焉天何言哉故唯能無言  
而後能代天言雲行雨施品物流形天何為哉故  
唯能無為而後能代天工天事焉  
又謂其能以上識天時下盡地理中盡物情通照人  
事者焉  
知陰陽消長之道故能上識天時知剛柔夷險之

聖人言行皆與天合故能以心代天意

十一

理故能下盡地理知巨細品類之別故能中盡物  
情達利害成敗之幾故能通照人事  
又謂其能以彌綸天地出入造化進退今古表裏人  
物者焉  
覽集 彌綸易與天地準故能彌綸天地之道注  
亦如彌縫之亦有終竟聯合之意綸有選  
能與天地參故能彌綸天地能顯諸仁藏諸用故  
能出入造化能通乎晝夜之道故能進退古今能  
盡人之性以盡物之性故能表裏人物  
聖人者非世世而效聖焉吾不得而目見之也雖

釋

生理大全卷九

十一

性理大全卷之十一  
論語精義  
卷之十一  
十一

然吾不得而目見之察其心觀其迹探其體潛其用  
雖億萬千年亦可以理知之也  
聖人不世出也故曰非世世而效聖焉察心觀迹  
探體潛用先聖後聖其道一也或見而知之或聞  
而知之故雖億千萬年亦可以理知之猶且暮之  
間也  
人或告我曰天地之外別有天地萬物異乎此天地  
萬物則吾不得而知之非唯吾不得而知之也聖人  
亦不得而知之也凡言知者謂其心得而知之也言

言者謂其口得而言之也既心尚不得而知之口又  
惡得而言之乎以心不可得知而知之是謂妄知也  
以口不可得而言而言之是謂妄言也吾又安能從妄  
人而行妄知妄言者乎

天地萬物皆一本故雖萬殊理無異致乾坤之道  
簡易而已易簡而天下之理得矣妄言妄知者不  
知易簡之道奮私智肆邪說以滅天理孟子所謂  
惡夫鑿者也

觀物內篇之三

性理大全卷之十一  
論語精義  
卷之十一  
十一

性理大全卷九

易曰窮理盡性以至於命所以謂之理者物之理也所以謂之性者天之性也所以謂之命者處理性者也所以能處理性者非道而何  
理性命皆一也至於命則理性之所處矣三者皆在於道故曰所以能處理性者非道而何  
是知道為天地之本

道為天地之本

天地為萬物之本

道生天地故道為天地之本  
天地為萬物之本  
天地生萬物故天地為萬物之本

以道觀天地

以天地觀萬物則萬物為物以道觀天地則天地亦為萬物

道生天地故道為天地之本以道觀天地則天地為道之物也天地生萬物故天地為萬物之本以天地觀萬物則萬物為天地之物也道則無有邊際天地則有盡有盡則所以為道之物也天地則無不覆載物則有窮有窮則所以為天地之物也道之道盡之于天矣  
天有道然後有天天本乎道者也

性理大全卷九

皇極經世

天之道盡之于地矣  
有天然後有地地本乎天者也

天地之道盡之于物矣

有天地然後有萬物萬物本乎天地者也

天地萬物之道盡之于人矣

人者天地五行之秀氣受天地之中以生為萬物

之至靈而備天地萬物者也故能配天地而命萬物

人能知其天地萬物之道所以盡于人者然後能盡

民也

聖人如人  
能知天地  
萬物之道

唯聖人能知天地萬物之道皆備於我能知天地

萬物之道皆備於我則能盡天下之理能盡天下

之理則能盡民而後可以治民矣

天之能盡物則謂之曰昊天

天之於物無不發生故能盡物

人之能盡民則謂之曰聖人

聖人之於人也無不仁愛故能盡人

謂昊天能異乎萬物則非所以謂之昊天也謂聖人

能異乎萬民則非所以謂之聖人也萬民與萬物同

聖人與昊天同道

則聖人固不異乎昊天者矣然則聖人與昊天為一道聖人與昊天為一道則萬民與萬物亦可以為一道也一世之萬民與一世之萬物亦可以為一道也明矣昊天與萬物同乎一道故不異乎萬物聖人之天與萬民同乎一道故不異乎萬民萬民與萬物同乎一道則聖人與昊天亦同乎一道矣一世之萬物與一世之萬民亦同乎一道則萬世之萬物與萬世之萬民亦同乎一道矣天下無二道聖人無兩

天

天人四府

天

心物也民也聖人也天也其道一也故古之聖人以一心而推萬心以一物而觀萬物以一世而知萬世者蓋由斯道也夫昊天者盡物聖人之盡民皆有四府焉昊天者四府者春夏秋冬之謂也陰陽升降于其間矣聖人之四府者易書詩春秋之謂也禮樂污隆于其間矣春為生物之府夏為長物之府秋為收物之府冬為藏物之府號物之庶謂之萬雖曰萬之又萬其庶能出此昊天者乎易為生民之府書為長民之府

聖人  
以經  
法天

天時  
全經  
相困  
而成

詩為收民之府春秋為藏民之府號民之庶謂之萬  
雖曰萬之又萬其庶能出此聖人之四府者乎昊天  
之四府者時也聖人之四府者經也昊天以時授人  
聖人以經法天天人之事當如何哉  
昊天以四府盡物聖人以四府盡民天之四府時  
天也聖人之四府經也天時聖經相因而成天時則  
陰陽升降而為春夏秋冬聖經則禮樂活隆而為  
易書詩春秋春夏秋冬易書詩春秋皆有生長收  
藏之道其道更相為消長活隆萬物萬民盡于其

三皇  
之時  
如春

間矣故皆謂之曰四府  
觀物內篇之四  
觀春則知易之所存乎  
易者三皇之事業也三皇之時如春  
觀夏則知書之所存乎  
書者五帝之事業也五帝之時如夏  
觀秋則知詩之所存乎  
詩者三王之事業也三王之時如秋  
觀冬則知春秋之所存乎

世里六卷

卷五

三

性理大全卷九  
皇極經世

春秋者五伯之事業也五伯之時如冬

易之易者生生之謂也易之書者生長之謂也易之詩者生收之謂也易之春秋者生藏之謂也書之易者長生之謂也書之春秋者長藏之謂也詩之易者收生之謂也詩之書者收長之謂也詩之詩者收收之謂也詩之春秋者收藏之謂也春秋之易者藏生之謂也春秋之書者藏長之謂也春秋之詩者藏收之謂也春秋之春秋者藏藏之謂也

天時迭為消長聖經更為汚隆其道如此可以意會不可以言求也

生生者脩夫意者也生長者脩夫言者也生收者脩夫象者也生藏者脩夫數者也長生者脩夫仁者也長長者脩夫禮者也長收者脩夫義者也長藏者脩夫智者也收生者脩夫性者也收長者脩夫情者也收收者脩夫形者也收藏者脩夫體者也藏生者脩夫聖者也藏長者脩夫賢者也藏收者脩夫才者也藏藏者脩夫術者也

聖賢才術優劣

性理大全卷九

皇極經世

二十一

意言象數言其本末仁義禮智言其先後性情形體言其大小聖賢才術言其優劣  
脩夫意者三皇之謂也脩夫言者五帝之謂也脩夫象者三王之謂也脩夫數者五伯之謂也  
皇帝王伯之道如此

脩夫仁者有虞之謂也脩夫禮者有夏之謂也脩夫義者有商之謂也脩夫智者有周之謂也  
仁義禮智在入則與性俱生在時則有先後之序脩夫性者文王之謂也脩夫情者武王之謂也脩夫

形者周公之謂也脩夫體者召公之謂也

德有大小則化有淺深

集覽 召公按史記召公奭姬姓世居岐山食邑於召

故謂之召公輔武王城商受封於燕又輔成王經營洛邑厥後分治四方其得民和巡行卿邑決獄棠陰自侯伯以至庶人各得其所焉

脩夫聖者秦穆之謂也脩夫賢者晉文之謂也脩夫

才者齊桓之謂也脩夫術者楚莊之謂也

秦穆改過自誓得聖之事而已

集覽 秦穆公本顯瑣之

齊襄公七世孫也任用百里奚蹇叔孟明等為政當周襄魯僖之時兩平晉亂遂伯而伐之鄭為晉所敗囚其三師後乃悔過誓告群臣史氏錄之為秦誓云  
集覽 按史記晉文公名重耳獻公次



子少好士重賢出亡在外二十九年及歸國當周襄之時有功王室命為侯伯賜以河內陽樊之地遂伯諸侯晉國按史記齊桓公名小白襄公之弟因襄公無道奔莒鮑叔傳之既而歸國得位當周釐魯莊之時任管仲為相九合諸侯匡天下王室賴以莫安楚莊按史記楚莊王名旅穆王子任用伍率蘇從為政滅庸伐宋至洛現兵問鼎伐周圍勸遂伯諸侯

皇帝王伯者易之體也虞夏商周者書之體也文武周召者詩之體也秦晉齊楚者春秋之體也

易以道陰陽陰陽消長唯其時而已故皇帝王伯所以為易之體也書以道事帝王之迹存焉故虞夏商周所以為書之體也詩以道志始於二南而

終於雅頌故文武周召所以為詩之體也春秋以道名分至於五伯名分亂矣仲尼以春秋正其名分春秋皆五伯之事也故秦晉齊楚者春秋之體也

意言象數者易之用也仁義禮智者書之用也性情形體者詩之用也聖賢才術者春秋之用也

三皇脩夫意五帝脩夫言三王脩夫象五伯脩夫數易具是四者故意言象數為易之用有虞脩夫仁有夏脩夫禮有商脩夫義有周脩夫智故仁義

性理大全

心迹  
之間  
有權  
存

禮智為書之用文王脩夫性武王脩夫情周公脩夫形召公脩夫體故性情形體為詩之用秦穆脩夫聖晉文脩夫賢齊桓脩夫才楚莊脩夫術故聖賢才術所以為春秋之用也

用也者心也體也者迹也心迹之間有權存焉者聖人之事也

常入泥松心迹則無權矣聖人之心無泥迹一隨理而低昂此正所謂權也

心無所在而無所不在故以用言迹有方所故以體言心迹體用之間有權存焉則所謂體無定用唯變是用用無定體唯化是體者也如是則心迹

心迹  
之間  
有權  
存

體用俱以泯矣文中子所謂適造者不知其殊也唯聖人為能盡之竊嘗論之心迹之義大矣哉聖人方其寂然不動則烏有所謂心迹者焉雖鬼神莫得而窺也及其酬酢應變吉凶與民同患則心迹於是乎判矣莊子所謂迹者人之所履豈其所履哉信斯言也徒徇聖人之迹而不達聖人之心是皆膠柱鼓瑟刻舟求劍者也蓋天下之理一涉于事物則必有迹有迹則有方所若聖人之心則無所在亦無所不在無方所者也古之善學聖人

鳴呼  
不知  
聖人  
之心

者求其心而不求其迹如曾子謂孔子言喪欲速  
貧死欲速朽有子獨以謂非君子之言有為而言  
之也苟直以其言為然而不知其所以言則失聖  
人之心矣是泥乎迹者也若有子可謂能知聖人  
之心者也古人有以不學柳下惠而學柳下惠者  
亦此之類也嗚呼不知聖人之心而徒徇聖人之  
迹則害於道害於道者楊墨之徒是也學者宜有  
以辨之竊聖人之迹而為姦為惡者則害於國家  
害於國家者莽卓之徒是也人君宜有以辨之學

性理大全卷九  
皇極經世  
二十五

者不知辨則卒至於無父無君人君不知辨則至  
於竊國弑君嗚呼自非聖智其孰能辨之哉

集覽

膠柱

按史記趙王以趙括代廉頗  
趙王以趙括代廉頗  
括代廉頗  
廉頗相如曰王以  
名使括若膠柱而鼓瑟  
注柱瑟馬一足絃之急緩擊  
焉故上調絃者必移馬足方能  
使聲和若膠柱而鼓瑟聲不  
得和此言王以名使括不問其  
能如膠柱而鼓瑟不言其和此  
蓋言拘執不通也刻舟求  
劍列子說符篇古人墜劍水中  
刻舟求劍之瞿朱楊  
墨之徒按列子注楊朱字子  
居戰國時人後於墨  
子朱乃與禽滑釐辨論其說  
在於為我而無君與  
墨子相反又按氏族墨翟宋  
人著墨子之書宗大  
禹之道其說在於兼愛而無  
父與楊子不合淮南  
子曰楊朱見歧路而泣為其  
可泣南可泣北墨翟  
見練絲而悲為其可以黃可  
以黑高誘曰泣路悲  
絲蓋為其本同而未異也莽  
卓之徒莽卓謂王莽  
董卓也是二人乃兩漢之篡  
偽者也注見五十九卷

性理大全卷九  
皇極經世  
二十五

三皇  
以道  
化民

三皇同意而異化五帝同言而異教三王同象而異  
勸五伯同數而異率同意而異化者必以道以道化  
民者民亦以道歸之故尚自然夫自然者無為無有  
之謂也無為者非不為也不固為者也故能廣無有  
者非不有也不固有者也故能大廣大悉備而不固  
為固有者其惟三皇乎是故知能以道化天下者天  
下亦以道歸焉所以聖人有言曰我無為而民自化  
我無事而民自富我好靜而民自正我無欲而民自  
朴其斯之謂歟

五帝  
同禮  
而異  
教  
以德  
教民

令容不顯之謂意意在理中未見乎迹者也任理  
則無為所以為三皇帝則有教有教則有言王則  
事功著故有象伯則任智力故曰同數而異率任  
理無為天何言哉以道化天下者也以道化天下  
故天下以道歸焉  
三皇同仁而異化五帝同禮而異教三王同義而異  
勸五伯同智而異率同禮而異教者必以德以德教  
民者民亦以德歸之故尚讓夫讓也者先人後己之  
謂也以天下授人而不為輕若素無之也受人之天

素无

素无  
同而

下而不為重若素有之也若素無素有者謂不已無  
已有之也若已無已有則舉一毛以取與于人猶有  
貪鄙之心生焉而况天下者乎能知其天下之天下  
非已之天下者其惟五帝乎是故知能以德教天下  
者天亦以德歸焉所以聖人有言曰垂衣裳而天  
下治蓋取諸乾坤其斯之謂歟  
并包徧覆之謂仁三皇之道也帝則有儀有物故  
曰同禮而異教王則有刑有政故曰同義而異勸  
伯則智力相尚故曰同智而異率有儀有物以德

三王  
同形  
而異  
化  
三主  
以功  
勸民  
天下  
之正  
莫如  
利民

教天下者也故天下以德歸焉  
三皇同性而異化五帝同情而異教三王同形而異  
勸五伯同體而異率同形而異勸者必以功以功勸  
民者民亦以功歸之故尚政夫政也者正也以正正  
夫不正之謂也天下之正莫如利民焉天下之不正  
莫如害民焉能利民者正則謂之曰王矣能害民者  
不正則謂之曰賊矣以利除害安有去王耶以王去  
賊安有弑君耶是故知王者正也能以功正天下之  
不正者天下亦以功歸焉所以聖人有言曰天地革

生理大全卷之

皇極經世

二十一

皇極經世 卷九 三十八

同類 三皇 同全 而異 化

而四時成湯武革命順乎天而應乎人其斯之謂歟  
皇盡性而已帝則見於事矣故曰同情王則法度  
備故曰同形伯則威力窮極矣故曰同體法度備  
則形見于天下矣形見于天下以功勸天下者也  
夫以功勸天下故天下以功歸焉  
三皇同聖而異化五帝同賢而異教三王同才而異  
勸五伯同術而異率同術而異率者必以力以力率  
民者民亦以力歸之故尚爭夫爭也者爭夫利者也  
取與利不以義然後謂之爭小爭交以言大爭交以

兵爭夫強弱者也猶借夫名焉者謂之曲直名也者  
命物正事之稱也利也者養生成務之具也名不以  
仁無以守業利不以義無以居功利不以功居名不  
以業守則亂矣民所以必爭之也五伯者借虛名以  
爭實利者也帝不足則玉王不足則伯伯又不足則  
夷狄矣若然則五伯不謂無功于中國語其王則未  
也過夷狄則遠矣周之東遷文武之功德于是乎盡  
矣猶能維持二十四君王室不絕如綫夷狄不敢屠  
害中原者猶五伯借名之力也是故知能以力率天

皇極經世 卷九 三十八

下者天下亦以力歸焉所以聖人有言曰眇能視跛  
 能履履虎尾啞人凶武人爲于太君其斯之謂歟  
 三皇之治不見形迹莫得而名焉故不言而民自  
 化其道則同其所以爲化則異故曰同聖而異化  
 五帝則有言有教故曰同賢而異教五帝固聖矣  
 而謂之同賢者其道則聖其事則已見乎迹方之  
 於三皇之道則爲賢也三王與事造業唯恐不及  
 故曰同才而異勸五伯則詭譎相勝無所不至然  
 猶假乎正也故曰同術而異率五伯以術以率則

專用變詐威力矣故天下以力歸焉力有強弱故  
 尚爭尚爭者爭乎利者也五伯爭利而猶假虛名  
 者尚有所畏憚也然名不以仁利不以義此所以  
 爲伯也王者則唯仁義而已五伯雖不若王猶能  
 盡有功于時過於夷狄遠矣周之東遷與滅亡無異  
 此尚能維持數百年者蓋由五伯有尊王室之名也  
 盡能以力率天下有尊王室之名是猶眇能視跛能  
 夫履履虎尾啞人凶武人爲于太君者也履之九三  
 以剛處剛者也以剛處剛而不中故有武人爲于

仁者  
盡人  
之至  
禮者  
盡人  
之賢

大君之象伯者之事有類于此  
夫意也者盡物之性也言也者盡物之情也象也者  
盡物之形也數也者盡物之體也仁也者盡人之聖  
也禮也者盡人之賢也義也者盡人之才也智也者  
盡人之術也盡物之性者謂之道盡物之情者謂之  
德盡物之形者謂之功盡物之體者謂之力盡人之  
聖者謂之化盡人之賢者謂之教盡人之才者謂之  
勸盡人之術者謂之率

意言象數性情形體仁義禮智聖賢才術道德功

皇帝  
王伯  
之事  
相因  
而成

聖人  
準方  
民

力化教勸率此皇帝王伯之事皆相因而成者也  
道德功力者存乎體者也化教勸率者存乎用者也  
體用之間有變存焉者聖人之業也夫變也者昊天  
生萬物之謂也權也者聖人生萬民之謂也非生物  
非生民而得謂之權變乎

有道德功力而後有化教勸率道德功力不同故  
化教勸率有異時使之然也存乎體者言乎其體  
也存乎用者言乎其用也體用之間有權存焉者  
變以隨時也變以隨時者聖人之事也天道不變



化天下止于盡  
道教于盡  
天下止于盡  
德于

生成息矣聖人無權教化墮矣非生物非生民而  
謂之權變則一歸于詐而已矣惡孰大焉得謂之  
權變乎  
觀物內篇之五  
善化天下者止于盡道而已善教天下者止于盡德  
而已善勸天下者止于盡功而已善率天下者止于  
盡力而已以道德功力為化者乃謂之皇矣以道德  
功力為教者乃謂之帝矣以道德功力為勸者乃謂  
之王矣以道德功力為率者乃謂之伯矣

化教勸率道德功力皇帝王伯之事也時異則人  
異人異則事異故不同如此

以化教勸率為道者乃謂之易矣以化教勸率為德  
者乃謂之書矣以化教勸率為功者乃謂之詩矣以  
化教勸率為力者乃謂之春秋矣此四者天地始則  
始焉天地終則終焉始終隨乎天地者也

皇帝王伯時也易書詩春秋經也天時聖經相為  
古表裏皆相因而成也

夫古今者在天地之間猶旦暮也以今觀今則謂之

天時  
至經  
相為  
表裏

今矣以後觀今則今亦謂之古矣以今觀古則謂之古矣以古自觀則古亦謂之今矣是知古亦未必為古今亦未必為今皆自我而觀之也安知千古之前萬古之後其不自我而觀之也

有今故有古有古故有今以今觀今則謂之今以今後觀今則今亦謂之古矣如是則今亦未必為今也以此今觀古則謂之古矣以古自觀則古亦謂之今矣如是則古亦未必為古也古亦未必為古今亦未必為今皆自我而觀之也自我而觀之者觀

全人  
通乎  
晝夜  
之道

之以道也以道觀之則何古今之有焉無古無今則古今猶且暮之間也聖人通乎晝夜之道而知能通晝夜之道則能通古今能通古今則能通萬世故雖千古之前萬古之後皆可以自我而觀之

若然則皇帝王伯者聖人之時也易書詩春秋者聖人之經也

天時聖經不異唯聖人為能知時作經以為民極時有消長經有因革時有消長否泰盡之矣經有因

聖人  
知時  
作經  
以為  
民極

聖人

聖人 事業 於是 手備

君天 下者 其命 有四

革損益盡之矣 因革損益盡之矣 時有消長故有否泰經有因革故有損益非聖人不能體消長知損益 否泰盡而體用分損益盡而心迹判體與用分心與迹判聖人之事業于是乎備矣

時有否泰之異故體用於是乎分事有損益之異故心迹於是乎判聖人之事業在乎體用心迹之間體用心迹之間蓋有權與變存焉知權與變然後能盡體用心迹一也因時而有所分

判然未嘗分判也卒歸乎一而已矣

所以自古當世之君天下者其命有四焉 一曰正命 二曰受命 三曰改命 四曰攝命 正命者因而因者也 受命者因而革者也 改命者革而因者也 攝命者革而革者也 因而因者長而長者也 因而革者長而消者也 革而因者消而長者也 革而革者消而消者也 正命天命之也 受命人授之也 人授之者受之於人也 如書所謂正月上日受終于文祖是也 改命有所改革如易所謂湯武革命是也 其事雖不同

皇朝通志卷之八十五 禮典 禮記 禮運 禮運 禮運 禮運

皆天也攝命者以臣行君之事者也此明皇帝王  
 伯之事也因而因則無為而已因而革舜循堯道  
 而有所變以隨時也革而因者武王伐商乃反商  
 政政由舊是也革而革者時變之極則一切變矣  
 長而長為春長而消為夏消而長為秋消而消為  
 冬時之消長其變如此

革而革者一世之事業也革而因者十世之事業也  
 因而革者百世之事業也因而因者千世之事業也  
 可以因則因可以革則革者萬世之事業也一世之

事業者非五伯之道而何十世之事業者非二王之  
 道而何百世之事業者非五帝之道而何千世之事  
 業者非三皇之道而何萬世之事業者非仲尼之道  
 而何是知皇帝王伯者命世之謂也仲尼者不世之  
 謂也

伯以力服人以力服人者止于其身故其事業一  
 世而已王者以功及民以功及民者其效遠故其  
 事業可以至于十世帝以德教民以德教民者得  
 其心漸民也深故其事業可以至于百世皇以道

化民道能久故其事業可以至于千世可因則因  
可革則革通萬世而無弊者孔子之事業也故孟  
子謂生民以來未有夫子也命世謂得位而在上  
者也不世謂不得位而在下者也雖然孔子不得  
位而在下其道實出帝王之上而能用乎皇帝王  
伯者也故孟子謂孔子集大成者也  
仲尼曰殷因於夏禮所損益可知也周因於殷禮所  
損益可知也其或繼周者雖百世可知也夫如是則  
何止于百世而已哉億千萬世皆可得而知之也

商周革命者也而亦有所因故商因於夏禮周因  
於商禮禹湯武王皆聖人也其道則同不得不因  
其時則異不得不革故皆有所損益唯聖人不苟  
同亦不苟異與時偕行知所損益以一世而知萬  
世故雖億千萬年皆可得而知之何止于百世可  
得而知而已所以可得而知之者豈有他哉以理知之  
為故也  
人皆知仲尼之為仲尼不知仲尼之所以為仲尼不  
欲知仲尼之所以為仲尼則已如其必欲知仲尼之

觀天地則知仲尼

所以為仲尼則舍天地將奚之焉人皆知天地之為天地不知天地之所以為天地不欲知天地之所以為天地則已如其必欲知天地之所以為天地則舍動靜將奚之焉

仲尼之道不異天地欲知仲尼觀天地則知仲尼矣天地之道不過動靜而已欲知天地觀動靜則知天地矣立天之道曰陰與陽立地之道曰柔與剛陰陽剛柔者動靜之本也然天地何嘗有心於動靜哉蓋時焉而已矣仲尼之不異天地亦時焉

仲尼盡三才之道

而已矣故孟子謂孔子聖之時者也

夫一動一靜者天地至妙者歟夫一動一靜之間者天地人之至妙至妙者歟是故知仲尼之所以能盡三才之道者謂其行無轍迹也故有言曰予欲無言又曰天何言哉四時行焉百物生焉其斯之謂歟

一動一靜者天地之妙用也一動一靜之間者天地人之妙用也陽闢而為動陰闔而為靜所謂一動一靜者也不役乎動不滯乎靜非動非靜而主乎動靜者一動一靜之間者也自靜而觀動自動

生理大全卷九

三二二

動靜  
見天  
地之  
心

而觀靜則有所謂動靜方靜而動方動而靜不拘  
於動靜則非動非靜者也易曰復其見天地之心  
乎天地之心蓋於動靜之間有以見之夫天地之  
心於此而見之聖人之心即天地之心也亦於此  
而見之雖顛沛造次未嘗離乎此也中庸曰道不  
可須臾離也可離非道也退藏於密則以此洗心  
焉吉凶與民同患則以此齋戒焉夫所謂密所謂  
齋戒者其在動靜之間乎此天地之至妙至妙者  
也聖人作易蓋本於此世儒昧於易本不見天地

之心見其一陽初復遂以動為天地之心乃謂天  
地以生物為心噫天地之心何止於動而生物哉  
見其五陰在上遂以靜為天地之心乃謂動復則  
靜行復則止噫天地之心何止於靜而止哉為虛  
無之論者則曰天地以無心為心噫天地之心一  
歸于無則造化息矣蓋天地之心不可以有無言  
而未嘗有無亦未嘗離乎有無者也不可以動靜  
言而未嘗動靜亦未嘗離乎動靜者也故於動靜  
之間有以見之然動靜之間間不容髮豈有間乎

天  
地  
心

生理大全卷之九

易學啟蒙

三十一

天地  
聖人  
之心

唯其無間所以為動靜之間也獨揚子雲知易之本以作玄始于中首象中孚次以周首象復中者天下之太本所謂天地之心也故其首辭曰陽氣潛萌于黃鐘之宮信無不在其中天地之道可謂至信矣所謂信者有以見天地之心乎在人則誠也故天地聖人之心至信至誠悠久而不息所以為天地人之至妙至妙者也雖然天地之心所可見者亦不過乎因時順理而已因時順理所以謂之道也聖人由道而行豈有轍迹哉嗚呼所謂動

靜之間者千聖之所歸萬生之所息能至此則可以知變化之道可以知死生之說不能至此則非所以謂之聖人也不能知此則非所以謂之賢人也外于此者皆邪說妄行也先君皇極經世書蓋本於此所以觀物篇首明天地動靜而此又明動靜之間天地人之至妙至妙者焉學者欲求其至在乎默而識之不可以言傳也

觀物內篇之六

孔子替寫自義軒而下序書自堯舜而下刪詩自文

生理大全卷九

皇極經世

三十一

生理大全卷九

皇極經世

三十八



仲尼  
道天  
德尊

武而下修春秋自桓文而下自義軒而下祖三皇也  
自堯舜而下宗五帝也自文武而下子三主也自桓  
文而下孫五伯也集考祖宗子孫尊卑之等以テ  
易書詩春秋皇帝王伯聖人之事業盡在於是矣  
仲尼祖三皇宗五帝子三主孫五伯其道大德尊  
如此中庸曰仲尼祖述堯舜而不曰三皇尊之而  
不可以言名也憲章文武而不及五伯卑之而有  
所不足道也此則兼舉之矣孫五伯可謂卑之也  
然聖人作春秋雖五伯猶或取之以其有功于一

聖人  
心公  
天下  
三皇  
尚賢  
以道  
五帝  
尚賢  
以德

時也故曰桓公九合諸侯不以兵車管仲之力也  
微管仲吾其被髮左衽矣聖人之心公天下也如  
此春秋者聖人之刑賞也五伯雖得罪於聖人及  
其有功亦在所不掩也嗚呼治天下者賞善刑惡  
能如聖人之心以公天下則四海之內無思不服  
儻狗好惡之私則刑賞濫矣刑賞濫而天下未有  
不亂者也

祖三皇尚賢也宗五帝亦尚賢也三皇尚賢以道五  
帝尚賢以德子三主尚親也孫五伯亦尚親也三主

生理大全卷九

皇極經世

四一

性理大全卷九

皇極經世

三十一

尚親以功五伯尚親以方  
三皇五帝之治皆尚賢者也而三皇以道五帝以  
德三王五伯之治皆尚親者也而三王以功五伯  
以力以道則為化以德則為教以功則為勸以力  
則為率道德則無親疎之間功力則有違從之異  
然而力率天下而親之則狹矣此皇帝王伯之所  
以分也

嗚呼時之既往億千萬年時之未來亦億千萬年仲  
尼中間生而為人何祖宗之寡而子孫之多邪所以

重贊堯舜至禹曰禹吾無間然矣

時之既往時之未來皆有億萬之數所以為古今  
也仲尼在古今之間何祖宗之寡子孫之多謂治  
世少而亂世多聖君少而庸君多也三王方三皇  
五帝時雖不同然固已鮮矣後世不正雜乎伯而  
伯亦有所不足也仲尼贊堯則曰唯天為大唯堯  
則之贊舜則曰君哉舜也無為而治者其舜也歟  
至禹則曰非飲食而致孝乎鬼神惡衣服而致美  
乎黻冕卑宮室而盡力乎溝洫禹吾無間然矣文

文王之德與舜禹並

王則曰天子分天下有其二以服事殷周之德其可謂至德也已湯武則曰順乎天而應乎人嗚呼文王之德與舜禹並可謂至矣仲尼後禹千五百餘年今之後仲尼又千五百餘年雖不敢比仲尼上替堯舜禹豈不敢比孟子上替仲尼乎

孟子傳仲尼

仲尼後禹千五百餘年今之後仲尼又千五百餘年蓋道之相傳無古今之異仲尼傳堯舜禹者也孟子傳仲尼者也吾先君子蓋學孔孟者也

仲尼以萬世為王

人謂仲尼惜乎無土吾獨以為不然獨夫以百畝為土大夫以百里為土諸侯以四境為土天子以九州為土仲尼以萬世為土若然則孟子言自生民以來未有如孔子也斯亦未為之過矣

一夫之土百畝而已大夫之土百里而已諸侯之土四境而已天子之土九州而已皆有窮極者矣仲尼之道通萬萬世而無弊萬世之所尊者也故曰仲尼以萬世為土非特萬世也且古今窮天地一人而已故孟子曰自生民以來未有夫子也

補註

獨夫循言  
匹夫也

夫人不能自富必待天與其富然後能富人不能自  
貴必待天與其貴然後能貴若然則富貴在天也不  
在人也有求而得之者有求而不得者矣是繫乎天  
者也功德在人也不在天也可脩而得之不脩則不  
得是非繫乎天也繫乎人者也夫人之能求而得富  
貴者求其可得者也非其可得者非所以能求之也  
昧者不知求而得之則謂其已之能得也故矜之求  
而失之則謂其人之不與也故怨之如知其已之所

性理大全卷九

大學

四十二

以能得人之所以能與則天下安有不知量之人邪  
富貴在天不可求而得功德在人所可脩而至不  
可求而得故必曰有命所可脩而至故不可不勉  
世之人不務脩其所可至而務求其所不可得惑  
古之甚也故未得之則患得之既得之則患失之得  
之則矜誇失之則怨懟苟能知已得之人與之皆  
求天也如是則安有不知量之人哉

天下至富也天子至貴也豈可妄意求而得之也雖  
曰天命亦未始不由積功累行聖君艱難以成之庸

性理大全卷九

大學

四十二

君暴虐以壞之是天歟是人歟是知人作之咎固難  
逃已天降之灾禳之奚益積功累行君子常分非有  
求而然也有求而然者所謂利乎仁者也君子安有  
餘事干其間哉然而有幸有不幸者始可以語命也  
已  
聖人之大寶曰位天寶命之故堯命舜天之曆數  
在爾躬舜亦以此命禹天位豈容求而得者不可  
求而得况可以不道而取之邪此篇戒亂臣賊子  
使之知天命之可畏也積功累行人之所當為君

子豈有求而然必自積行累功以得之不積行累  
功以得之者或有之矣終亦必亡而已積行累功  
而不得者亦有之矣君子乃謂之命也已

夏禹以功有天下夏桀以虐失天下殷湯以功有天  
下殷紂以虐失天下周武以功有天下周幽以虐失

天下三者雖時不同其成敗之形一也

帝發之子有力能伸鐵鉤索因伐有施氏有施以  
妹喜女焉有寵所言皆從為瓊宮瑤臺酒池肉林  
妹喜以為樂殺直臣關龍逢囚湯夏臺既而得釋  
湯與伊尹與師來伐戰于鳴條克之放于南巢而  
死天下歸殷紂按史記殷王紂帝乙之子資辨  
楚疾材力過人手格猛獸智足以拒諫言足以飾

非因伐有蘇氏獲其女妣已嬖之惟言是從作奇  
技淫巧以悅之周侯昌來諫囚於羑里周臣進美  
女奇物得釋昌卒子發與師來伐戰于牧野前徒  
倒戈乃衣寶圭自焚天下歸周幽按史記幽王  
右官涅宜王之子初娶申后生太子宜臼後嬖褒  
姁生伯服既而褒姁譖申后及宜臼王乃廢之而  
以褒姁為后伯服為太子褒姁驕恣王惑之宜臼  
奔申王求殺之申不與王伐申申侯召大戎攻王  
王舉烽火徵兵不至  
遂殺王於驪山下

夏禹商湯周武其功德在民深矣其創法垂統至  
矣後世子孫雖中才之君能保惜其基業謹守其  
法度兢兢業業而勿失雖百世可也夏則太康已  
失邦而其後有桀商太甲已不明而其後有紂周

昭王已南征不返而其後有幽厲詩云赫赫宗周  
褒姁滅之蓋周至幽厲雖曰未亡其實亡矣獨以  
文武之澤未斬國之典刑尚存故至赧王而後失  
之其祖宗之艱難積累以得之其後亡國敗家之  
人庸愚暴虐以失之若出一塗書曰為善不同同  
歸于治為惡不同同歸于亂此之謂也

**集覽** 史記夏

王太康啓之子也以其遊豫滅厥德黎民咸怨乃盤  
遊無度歐于洛表十旬弗返有窮后羿拒于河而  
廢之厥弟五人作五子之歌以致其怨  
記昭王名瑕康王之子在位年久不能強於政治  
風化稍衰時月有光五色貫紫微井水溢楚人不  
朝王南征楚返齊于漢上濱人濟以膠船中流膠

齊王及祭公皆謂死國按史記幽王名宮涅  
 宣王之子初娶申后生太子宜臼後嬖褒姒生伯  
 服既而褒姒蓄申后及宜臼王乃廢之而以褒姒  
 為后伯服為太子褒姒驕恣王惑之宜臼奔申王  
 求殺之申不與王伐申申侯召大戎攻王王本  
 火徵兵不至遂殺王於驪山下幽厲按史記周厲  
 王名胡夷王之子暴虐無道民不堪命聚而謗王  
 王使衛巫監之道路以自准夷个冠王乃奔彘二  
 相周召共理國事謂之共和歷十四年王崩于彘  
 褒姒按史記褒姒周幽王之后生不好笑王嬖之  
 嘗欲其笑萬方而不能得是時犬戎荐侵王都始  
 為烽燧徵兵以備不虞王因無故舉火諸侯悉至  
 而無寇褒姒大笑未幾犬戎攻王王再舉火諸侯  
 不至犬戎遂殺王報王按史記周報王名延慎觀  
 王之于是時東西周分治王徙都河南寄空各於  
 諸侯之上迨秦伐韓取趙王乃與諸侯約從伐秦  
 秦遣兵个冠王奔秦頓首受罪尽獻其邑王还國  
 崩秦迁西周公於惠孤聚後七年東周君與諸侯

謀伐秦秦遣將滅  
東西周而周亡

平王東遷無功以復王業報王西走無虐以喪王室  
 威令不逮一小國諸侯仰存于五伯而已此又奚足  
 道哉

平王東遷文武之業盡矣故無功以復王室報王  
 西走危亡之勢極矣故無虐以喪王室皆不足道  
 也竊嘗論之桀紂幽厲皆暴君也自平王至報王皆  
 庸君也庸暴雖殊皆足以亡其國然暴君身為不  
 善其亡也速其為天下害也淺庸君未必能為太

惡而天下之爲惡者皆得以肆其惡其亡也緩其爲天下害也深故桀紂身爲不善湯武誅放而天下寧幽厲亦可謂暴矣獨以文武之澤未泯止亡其身而國之未亡幸也自平至赧無顯著之惡而其庸則甚矣其後有五伯有戰國有暴秦民墜塗炭五百餘年而天下受其害至漢而後始定考之歷代亦莫不然西漢自元成而下皆庸君也卒致新室之亂幸天下未厭漢光武中興東漢自桓靈而下皆庸君也卒致董卓之亂而後有三國有南

北朝又分而爲十六國羯胡腥羶瀆汚中原民墜塗炭又四百餘年而天下受其害至隋而後始定隋煬帝暴君也身爲不善以亡其國不旋踵有唐以興而天下寧唐自肅宗而下多庸君也當時藩鎮固已暴橫于外宦豎又且擅權于內其後有五季又分而爲十國皆得以肆其惡民墜塗炭又二百年至本朝而後大定則暴君之爲天下害也淺庸君之爲天下害也深槩可見矣

集覽 史記周平王

名宜臼幽王太子以西都過於大戎乃東遷洛陽是爲東周是時王室衰微諸侯跋扈天子號令不



行於天下徒擁虛器而已故孔子作春秋以寓手法托始於四十九年即帝隱之元年元成按漢書元帝名奭宣帝太子稟性柔懦喜好儒術優將不漸任用非人孝宣之業衰矣成帝名駑元帝太子湛千酒色委政外家五侯專權遂執國命卒致新莽之禍漢祚殆哉檀靈按漢書桓帝名志章帝曾孫初封蠡吾侯梁冀迎而立之遂專國政梁太后臨朝冀益橫暴帝與宦官單超等五人謀誅之由是宦官肆志流毒四海君子賢人無不切齒卒成黨錮之禍悲夫靈帝名宏章帝玄孫解讀亭侯長之子竇太后立之臨朝以竇武陳蕃為政謀誅宦官執事不密反為曹即等矯詔所殺自是以後帝愈昏虐崇寵宦豎珍滅善類而東漢綱紀隳矣圖按漢書卓臨兆人有膂力善騎射中平初破黃巾有功拜破虜將軍以何進駁誅宦官拜司空既而廢辨立協遷都長安自為太師位君諸侯王上初平間司徒三允使呂布誅之隋煬帝按通鑑煬帝名廣文帝次子初為晉王文帝以獨孤后之言

廢太子勇而立之為嗣既而弑父自立恃其富強外勤征伐內恣奢淫巡遊不息四方騷然盜賊蜂起宇文化及殺之於江都開宋按唐鑑肅宗名亨玄宗太子安祿山入寇女宗幸蜀乃即位靈武顯郭子儀李光弼等克復兩京迎上皇崩國其後制於李輔國張皇后亂生宮掖因病而崩藩鎮披細目集覽唐自安祿山史思明之亂肅宗幸長安分河北地付授叛將后遂效戰國胙脾相依以上拋專子孫謂之藩鎮五季謂唐宋唐晉漢周也國按史譜十國謂五代備無割據者若吳揚行密南唐李是之蜀王建後蜀孟知祥閩王審知吳越錢繆南平高季昌楚馬殷南漢劉隱北漢劉崇是也但時無真王者出焉雖有虛名與祀宋其誰曰少異是時也春秋之作不亦宜乎當是時也天下無王矣孔子之作春秋所以明王

孟子告齊梁之君以王道

道而存王者之禮法也使之得位則行之矣孟子告齊梁之君亦必以王道者以此也

仲尼脩經周平王之時書終于晉文侯詩列為王國風春秋始于魯隱公易盡于未濟卦

孟子曰王者之迹熄而後詩亡詩亡然後春秋作周平之時王者之迹熄矣故春秋之所以作也書終於文侯之命周之東遷晉鄭焉依文侯猶知尊周有功於時故聖人取之始于典謨終之以文侯之命與秦誓則其時其事可知之矣王者之迹熄

而雅頌不作周室之微不絕如綫四郊之外皆非已有與一小國亦何以異所存獨王者之虛名耳故黍離之詩列于國風也春秋始于魯隱公周公之國周公之禮樂典章具在于魯至隱公之世周公之業衰矣此春秋之所以始隱又當周平王之時也易終于未濟卦一治一亂而未始有窮也

覽集

晉文侯按史記文侯名仇穆侯之子唐叔虞十世

孫也周幽王為大戎所殺文侯與鄭武公迎太子宜臼立之是為平王遷於東都平王以文侯為方伯賜以彤弓矢作策書以命之

隱公名息姑惠公之子伯禽十三世孫也初惠公適夫人無子賤妾生息姑息姑娶宋女女至

美惠公奪而娶之生子名釐朱子為夫人名為太子  
子惠公卒名少息始因以平王四十九年攝政是  
為隱公而孔子作春秋托始於此既而公子翬請  
殺公不聽翬反諸公于名請殺公名許諾遂弑之  
予非知仲尼者學為仲尼者也禮樂征伐自天子出  
而自諸侯天子之重去矣宗周之功德自文武出  
而自幽厲文武之基息矣由是犬戎得以侮中國  
周之諸侯非一獨晉能攘去戎狄徙王東都洛邑用  
存王國為天下伯者之倡和鬯圭瓚之錫其能免乎  
聖人人倫之至能盡君君臣臣父父子子兄弟  
弟夫夫婦婦之道正心誠身以治天下國家此蓋

性理大全卷九

皇朝經世文編

禮記

孔子之志也禮樂征伐威福之柄也臣下得而  
擅之則人君之權移于下矣蓋由君非其君臣非  
其臣欲不亂其可得乎周之幽厲小人而乘君子  
之器者也盜斯奪之矣故犬戎得以侮中國晉文  
侯獨能攘戎狄而遷周于洛知有君臣之義未同

於夷狄其功亦可尚矣此書所以有文侯之命也

**集覽**

和鬯圭瓚之錫周禮九命然後錫和鬯圭瓚以

以黑米搗鬱金草取汁以養之扣釀為酒其氣芬

香條暢故謂之和鬯所以降神也謂當以錫命告

其始祖故賜鬯禮書云鬱草十一二花狀如紅監也  
未畏也禮典瑞曰魯圭有瓚以肆先王以畏寮客

性理大全卷九

皇朝經世文編

禮記

鄭玄曰圭璋琥璜爵也鄭司農云於圭頭為器可以  
 挹也畏祭裸之璜故詩云瑟彼玉璜黃流在中國  
 語謂之璜圭以肆先王裸先王祭也爵行曰裸漢  
 禮璜祭大五升口徑八寸下有繫口徑一尺又禮  
 玉人曰裸圭尺有二寸有璜以祀廟注裸之為言  
 准也謂始獻酌奠也璜形如繫其柄用圭有流前  
 注用以

傳稱子貢欲去魯告朔之餼羊孔子曰賜也爾愛其  
 羊我愛其禮是知名存實亡者猶愈于名實俱亡者  
 夫禮雖廢而羊存則後世安知有不復行禮者矣晉  
 文公尊王雖用虛名猶能レ使天下諸侯知有周天  
 子而不敢以兵加之也及晉之衰也秦由是敢滅周

斯愛禮之言信不誣矣

孔子之時魯國告朔之禮廢已久矣而餼羊猶存  
 子貢獨見其禮已久廢餼羊徒有虛名故欲去之  
 聖人用心深遠以謂爾愛其羊我愛其禮禮雖廢  
 而羊猶存後世安知不有其羊而行禮循其名  
 而求其實者乎豈不愈於羊禮俱廢名實皆亡者  
 也故晉文公有尊王之名而尚能レ有功一時所以  
 聖人亦取之也孟子謂好名之人能讓千乘之國  
 好名之人於道雖為未至已能讓千乘之國則與

夫見利忘義貪取苟得無所顧藉者蓋有間矣或曰好名之人矯偽不情烏足貴哉愚獨不然矯偽為善豈不賢於矯偽為惡者乎竊嘗論之為人君者能知堯舜之名為可好則莫不願為堯舜好之而不已行之而彌久是亦堯舜而已為人臣者能知稷契之名為可好則莫不願為稷契好之而不已行之而彌久是亦稷契而已志於道者能知孔顏之名為可好則莫不願為孔顏好之而不已行之而彌久是亦孔顏而已嗚呼名者治世修身之

具也烏可一日闕於天下但患人不知所以好之耳豈不貴哉

**集覽**

稷契按史記契帝善之子也母曰簡狄為蕃次妃見玄鳥墮卵吞之而生契及長佐商治水有功為司徒受封於商賜姓子氏乃成湯十三世之祖也

齊景公嘗一日問政于孔子孔子對曰君君臣臣父父子子公曰善哉信如君不君臣不臣父不父子雖有粟吾得而食諸是時也諸侯僭天子陪臣執國命祿去公室政出私門景公自不能上奉周天子欲其臣下奉已不亦難乎厥後齊祚卒為田氏所移夫齊之有田氏者亦猶晉之有三家也亦猶周之有

五伯也韓趙魏之于晉也既立其功又分其地既卑其主又專其國田氏之于齊也既得其祿又專其政既殺其君又移其祚其如天下之事豈無漸乎履霜之戒寧不思乎

**集覽**

齊景公按史記景公名杅曰莊公異母弟也為崔杼所立既而杼敗奔魯任用晏嬰為政以節食力行鎮重於齊而齊大顯於諸侯齊祚卒為田氏所移按史記田齊氏者本陳厲公之子完奔齊事桓公為正號田氏謚為敬仲五世之釐子事景公為太夫行私惠專齊政田成子弒簡公三世至太公和遂遷康公於海上康公薨姜氏之齊祀絕矣晉之有三家按史記周安王二十六年韓趙魏三家廢晉靖公為家人三分其地而晉祀遂絕矣

君臣父子天下之達道人之大倫所以維持天下

者以此用之則治舍之則亂古今一也周之衰三

綱五常絕矣篡君弒父無所不至以君臣父子之

道不明故也諸侯既僭天子矣大夫安得不僭諸

侯大夫既僭諸侯矣陪臣安得不僭大夫故雖管

仲邦君樹塞門管氏亦樹塞門邦君為兩君之好

有反玷管氏亦有反玷管氏猶不知禮况其餘乎

其甚則魯之二蒙以雍徹用八佾舞于庭是以陪

臣僭天子也陪臣而僭天子况於執國命乎始於

僭踰卒於攘奪勢必然也故田氏之於齊韓趙魏

之於晉終逐其君而盜其國嚮使齊晉之君不敢  
僭周則所謂田氏與二大夫者其敢逐其君而盜  
其國乎上之所好下必有甚焉出乎爾者反乎爾  
不思之甚矣易曰履霜堅冰至君子方履霜之時  
固已知堅冰之必至宜辨之早也集邦君樹塞門  
覽按論語註好謂好會也邦君為  
謂之樹塞猶蔽也設屏於門以蔽內外也邦君為  
兩君之好有反玷按論語註好謂好會也邦君為  
之間厭則飲畢則反爵於其上此皆  
諸侯之禮而管仲僭之不知禮也

傳稱王者往也能往天下者可以王也周之衰也諸  
侯不朝天子久矣及楚預中國會盟仲尼始進爵為

子其僭王也不亦陋乎

楚蠻夷之國春秋書曰楚子而僭王僭之甚者也  
夫以力勝人者人亦以力勝之吳嘗破越而有輕楚  
之心及其破楚又有驕齊之志貪婪攻取不顧德義  
侵侮齊晉專以夷狄為事遂復為越所滅越又不監  
之其後復為楚所滅楚又不監之其後復為秦所滅  
秦又不監之其後復為漢所滅恃強凌弱與虎豹何  
以異乎非所以謂之中國義理之師也

吳楚秦越皆蠻夷之國恃強凌弱不顧德義方之

齊晉有間矣

**覽集**

吳晉破越按史記周敬王二十六年吳王夫差伐越敗之夫椒越王

句踐乃以甲兵五千人栖會稽使大夫文種路太宰而行成吳王許之子胥諫不聽卒與越平罷兵

宋之為國也爵高而力卑者乎盟不度德會不量力區

區與諸侯並驅中原耻居其後其于伯也不亦難乎

宋襄公亦嘗主盟而衰弱無術不足道也

**覽集** 宋襄公按

史記襄公名茲甫桓公之子為鹿上之盟欲伯諸侯乃伐宋而楚人來救遂與楚戰于泓庶兄目夷

夫請及其未陣而擊之公曰君子不困人於阨遂為楚所敗世笑宋襄之亡君子所鄙

周之同姓諸侯而克永世者獨有燕在焉燕處北陸

之地去中原特遠苟不隨韓趙魏齊楚較利刃爭宰

名則足以養德待時觀諸侯之變秦雖虎狼亦未易

加害延十五六年後天下事未可知也

燕居朔方固為強大與齊趙相抗苟不與諸國爭

勝負而脩召公之政以治其國有可以興王之理

也而乃遣刺客以入暴秦自取滅亡可哀也已

**覽集**

遣刺客以入暴秦按通鑑秦王政二十一年初

乃亡歸陰養壯士荆軻獻督亢地圖因刺秦王不

中秦王殺軻使王翦擊燕燕王斬丹以獻求我虜

燕王歸而燕祀遂絕



祚長祚短地大者攻守異故也自三代以降漢唐為盛秦界于周漢之間矣秦始皇盛于穆公中于孝公終于始皇起于西夷遷于岐山徙于咸陽兵瀆宇內血流天下吞吐四海更革今古雖不能比德三代非晉隋可同年而語也其祚之不永得非用法太酷殺人之多乎所以仲尼序書終于秦誓一事其言不亦遠乎

秦穆公能改過自誓伯之優者也故序書上自典誥下及秦誓聖人猶取之而不廢是亦不得中行

而與之必也狂狷乎之義也王者不作近於王道者雖一善必錄聖人之心如此然終于秦誓則世惡之盛衰道之污隆可知之矣穆公有此一善可稱而宜乎國以盛強其後始皇并吞海內而乃尚刑好殺殺止於二世以取滅亡蓋秦夷狄之國尚刑好殺乃其所謂又况本以商鞅之法其貽謀慘刻少恩亦有自來矣

**集覽** 孝公按史記秦孝公名渠梁獻公之子任用商鞅行強國之術廢井田開

併而更稅法由是國富兵強諸侯莫及遷於岐山王時秦襄公救周有功受封為諸侯賜以岐西之地爵為伯始與諸侯通

固漢以好興生而

夫好生者生之徒也好殺者死之徒也周之好生也以義漢之好生也亦以義秦之好殺也以利楚之好殺也亦以利周之好生也以義而漢且不及秦之好殺也以利而楚又過之天之道人之情又奚擇于周秦漢楚哉擇乎善惡而已是知善也者無敵于天下而天下共善之惡也者亦無敵于天下而天下亦共惡之天之道人之情又奚擇于周秦漢楚哉擇于善惡而已

仁者好生不仁者好殺好生者王好殺者亡好生

者天祐之人愛之好殺者天怒之人惡之周漢以好生而興秦楚以好殺而廢天之興廢人之去就在乎仁與不仁而已

**補註**

好生惡殺人心之同然也故曰三代之得天下也以仁其失天下也以不仁仁者好生之謂也不仁者好殺之謂也好生好殺義利之間而已也上之彼民於義則民心悅而從之此無他生之也上之彼民於利則民勉強而從之此無他殺之也梁襄王曰孰能之孟子曰不嗜殺者能之其斯之謂也君人者受命而興為生民主其可不以好生為念而以好殺為戒哉

生理大全卷之

仁義禮智

十一

新刻性理大全第九卷終

*[Faint bleed-through text from the reverse side of the page]*

新刻性理大全第十卷

皇極經世書四 溫陵 九我 李太史 校正

觀物內篇之七

昔者孔子語堯舜則曰垂衣裳而天下治語湯武則

曰順乎天而應乎人斯言可以該古今帝王受命之

理也堯禪舜以德舜禪禹以功以德帝也以功亦帝

也然而德下一等則入于功矣湯伐桀以放武伐紂

以殺以放王也以殺亦王也然而放下一等則入于

殺矣是知時有消長事有因革前聖後聖非出於一

帝王受命之理

皇朝經世文編卷之七十一

途哉其坎狹律首所之事亦因革前聖若聖非出於一  
堯舜禪讓湯武征伐其事則異其道則同以德以  
功以放以殺時之消長事之因革不同如此至於  
征伐放殺非聖人之所欲蓋有不得已者焉聖人  
所同者心所異者跡故前聖後聖非出於一途而  
聖人求乎心之所同而不求乎跡之所同苟姑同  
乎跡而不同乎心則為姦為惡何所不至不可不  
辨也然所謂下一等者孔子序書贊堯舜禹亦有  
詳略謂韶盡美矣又盡善也武盡美矣未盡善也

天與人相與  
裏為表

天常與人  
表裏

聖人蓋有深意焉

天與人相為表裏天有陰陽人有邪正邪正之由繫  
乎上之所好也上好德則民用正上好佞則民用邪  
邪正之由有自來矣雖聖君在上不能無小人是難  
其為小人雖庸君在上不能無君子是難其為君子  
自古聖君之盛未有如唐堯之世君子何其多邪時  
非無小人也是難其為小人也故君子多也所以雖  
有四凶不能肆其惡自古庸君之盛未有如殷紂之  
世小人何其多邪時非無君子也是難其為君子也

生理大全卷一

皇朝經世文編

七十一

天人常相  
成而

故小人多也所以雖有三仁不能遂其善是知君擇臣臣擇君者是繫乎人也君得臣臣得君者是非繫乎人也繫乎天者也

集覽 四凶按左傳所載四凶與尚書孟子所載不同其左傳近謂窮奇混池饕餮檮杌是也尚書所謂共工驩兜三苗絲是也三仁按史記設有三仁謂微子箕子比干是也

天與人常相成而天有陰陽人有邪正正為君子邪為小人君子小人相為盛衰猶陰陽之相為消長聖人之於易否泰言之詳矣且治世非無小人也亂世非無君子也君子在內小人在外所以為泰而天下治矣君子在外小人在內所以

為否而天下亂矣君子小人無世無之在乎人君所好所用而已人君好德則民用正而君子進小人退矣人君好佞則民用邪而小人進君子退矣唐堯之時非無小人也君子在內而眾小人在外而寡則小人不勝君子也故雖有四凶亦不能害君子商紂之世非無君子也君子在外而寡小人在內而眾則君子不能勝小人也故雖有三仁而不能去小人所謂內外者不獨在位在野而已但信而任之則為內踈而遠之則為外上好正而信

注選大全卷一  
卷之七

任君子則小人遠矣不必待屏絕誅竄而後為外也上好邪而信任小人則君子遠矣不必待斥逐放棄而後為外也所謂小人者聖人亦未嘗疾之已甚也但使君子在上小人在下各得其所而已君子在上則足以制小人小人在下則順以從君子如是則天下未有不治者也若夫疾惡而不能去去惡而無其術者適所以致禍亂之道也嗚呼君子小人用與不用實繫上之所好上之所好實繫天下治亂可不慎哉

賢愚人之本性利害民之常情虞舜陶于河濱傳說築工巖下天下皆知其賢而百執事不為之舉者利害使之然也吁利害叢于中而矛戟森于外又安知有虞舜之聖而傳說之賢哉河濱非禪位之所巖下非求相之方昔也在億萬人之下而今也在億萬人之上相去一何遠之甚也然而必此云者貴有名者也

**附錄** 虞舜陶于河濱按史記虞舜陶于河濱器不苦窳南陶丘亭是也傳說築于岩下按史記商武丁夢帝錫予良弼日說說為胥靡築于傳岩按一統志傳岩在平陽府平陸縣東三十五里即傳說隱處其地名隱賢社

世宗皇帝御製

唐堯之舉舜商宗之用說蓋有素矣猶歷試諸難  
稽之夢卜所以厭天下之心也雖舜之聖說之賢  
苟為利害所蔽人亦安知其聖賢哉故堯高宗不  
得不如此貴乎有名也

伊尹成始大終

易曰坎有孚維心亨行有尚中正行險往且有功雖  
危無咎能自信故也伊尹以之是知古之人患名過  
實者有之矣其間有幸與不幸者雖聖人人力有不  
及者矣伊尹行冢宰居責成之地借使避放君之名  
豈曰不忠乎則天下之事去矣又安能正嗣君成終

始之太忠者乎吁若委寄于匪人三年之間其如嗣  
君何則天下之事亦去矣又安有伊尹也坎有孚維  
心亨不亦近之乎

有伊尹之位有伊尹之時有伊尹之德有伊尹之  
心忠於社稷公於天下則可雖曰放君所不避也  
苟無其位無其時無其德無其心不忠不公則為  
篡也烏可哉故必如坎之維心亨行有尚而後可  
以濟乎坎也

易曰由豫大有得勿疑朋盍簪剛健主豫動而有應

周公終始大孝

群疑乃亡能自彊故也周公以之是知聖人不能使人無謗能處謗者也周公居總已當任重之地借使避滅親之名豈曰不孝乎則天下之事去矣又安能保嗣君成終始之大孝者乎吁若委寄于匪人七年之間其如嗣君何則天下之事亦去矣又安有周公也由豫大有得勿疑朋盍簪不亦近之乎

有周公之位有周公之時有周公之德有周公之心忠於社稷公於天下則可雖曰誅兄放弟所不避也苟無其位無其時無其德無其心不忠不公

尚行則篤實之風行

務本君子之事

則是大惡也烏可哉故必如豫之大有得勿疑朋盍簪而後可以主豫也

夫天下將治則人必尚行也天下將亂則人必尚言也尚行則篤實之風行焉尚言則詭譎之風行焉天下將治則人必尚義也天下將亂則人必尚利也尚義則謙讓之風行焉尚利則攘奪之風行焉

治世務本故尚行亂世務末故尚言務本則君子之事也故篤實之風所以行也務末則小人之事也故譎詐之風所以行也治世樂與故尚義亂世

性理大全卷十 皇極經世書 五

生理大全卷十 皇極經世書 六



尚行者必入于義

樂取故尚利尚義則君子之事也故謙讓之風所以行也尚利則小人之事也故攘奪之風所以行也皆本乎上之所好與夫君子小人之進退而已三王尚行者也五伯尚言者也尚行者必入于義也尚言者必入于利也義利之相去一何遠之如是耶三王用忠信以行實事故尚行五伯用譎詐以假虛名故尚言所尚不同如此王伯之所以異也是知言之于口不若行之于身行之于身不若盡之于心言之于口人得而聞之行之于身人得而見之

聖人能過之地

盡之于心神得而知之人之聰明猶不可欺况神之聰明乎是知無愧于口不若無愧于身無愧于身不若無愧于心無口過易無身過難無身過易無心過難既無心過何難之有吁安得無心過之人而與之語惡哉是故知聖人所以能立于無過之地者謂其善事于心者也君子言之不出恥躬之不逮故徒言之不若躬行之行之者或安而行之或利而行之或勉強而行之安而行之者行之以無事盡于心者也孟子所

謂舜由仁義行者是也利而行之勉强而行之者  
雖曰行之而心或有所未盡故不若盡心之為善  
也既能行之久而必有所至及其成功則一矣言  
之手口則人得而聞之行之于身則人得而見之  
盡之于心則神得而知之所謂盡之于心者默而  
成之不言而信者也不言而信則神得而知之者  
也故君子不欺暗室不愧屋漏以神之聰明不可  
欺也無愧于口不若無愧于身無愧于身不若無  
愧于心謂行之于身不若盡之于心也無口過易

能慎言語則無口過矣無身過難能踐履則無身  
過矣無身過易無心過難既無心過何難之有所  
謂心過者不必待見於事為之際思慮一萌苟離  
于道是為過矣既無心過何思何慮寂然不動感  
而遂通何難之有也能無心過者其惟聖人乎聖  
人與天地合其德與日月合其明與四時合其序  
與鬼神合其吉凶何過之有未至於聖人則未能  
無過故孔子謂顏淵為好學則曰不貳過又曰有  
不善未嘗不知知之未嘗復行始可以謂之無身

過者也及其問仁則告之以非禮勿視非禮勿聽  
非禮勿言非禮勿動至於非禮勿動則使之進於  
無心過之地也故又曰回也其心三月不違仁夫  
心有一所動而在乎非禮則遠于仁矣顏子至於  
三月不違仁則幾于聖者也此道之妙不可以言  
傳學者當盡心焉

觀物內篇之八

仲尼曰韶盡美矣又盡善也武盡美矣未盡善也又  
曰管仲相桓公霸諸侯一匡天下民到于今受其賜

微管仲吾其披髮左衽矣是知武王雖不逮舜之盡  
善盡美以其解天下之倒懸則下于舜一等耳桓公  
雖不逮武之應天順人以其霸諸侯一匡天下則高  
于狄亦遠矣以武比舜則不能無過比桓則不能無  
功以桓比狄則不能無功比武則不能無過漢氏宜  
立乎桓武之間矣

此言帝王之異霸之於王固遠然亦有功于時故  
聖人猶取之漢不純乎王而雜乎霸者也舜武皆  
聖人也所以異者時不同故也

以所人  
後特君

是時也非會天下民厭秦之暴且甚雖十劉季百子  
房其如人心未易何集覽高帝字季張良字子房  
公君所恃以安者人心而已人心既去一夫而已  
故書謂之獨夫紂也

且古今之時則異也而民好生惡死之心非異也自  
古殺人之多未有如秦之甚天下安有不厭之乎夫  
殺入之多不必以刃謂天下之人無生路可移也而  
又況以刃多殺天下之人乎恨下仁者好生不仁者好  
得民心以仁失民心以不仁仁者好生不仁者好

殺以虐政殺之以白刃殺之其殺也然白刃之所  
殺猶有能免者虐政之所殺則無所逃矣故虐政  
甚於白刃也已殺之使人殺之其殺一也已殺之所  
殺猶寡使人殺之則所殺者衆矣故使人殺之甚  
於已殺之也使人殺之謂以虐政殺之也以虐政  
殺之者謂天下之人無生路可趨也故虐政甚於  
白刃也又况既以虐政殺之而又加之以白刃殺  
之耶于是時也天下之生靈墜于塗炭可知之矣  
秦二世萬乘也求為黔首而不能得漢劉季匹夫也

免為元首而不能已萬乘與匹夫相去有間矣然而  
有時而代<sup>カスル</sup>之者謂其天下之利害有所懸<sup>スル</sup>之耳

利民則匹夫可以為元首害民則元首欲為匹夫

而不能利害之間如此可不畏哉可不慎哉

**集覽**

世萬乘也末為黔首而不能得披<sup>ト</sup>通鑑秦二世三  
年初趙高數言開東盜無能為者及秦兵數敗二  
世責譏高<sup>ト</sup>高懼乃使督閭樂<sup>ト</sup>發卒至望夷宮行<sup>ト</sup>  
許願與妻子為黔首樂曰臣受命丞相誅<sup>ト</sup>足下<sup>ト</sup>足  
下多言臣不敢報<sup>ト</sup>磨其兵進二世自殺夏嬰云萬  
乘謂<sup>ト</sup>君黔首謂<sup>ト</sup>民也

天之道非禍萬乘而福匹夫也謂其禍無道而福有

道也人之情非去萬乘而就匹夫也謂其去無道而

就有道也萬乘與匹夫相去有間矣然而有時而代

之者謂其直以天下之利害有所懸之耳

天之禍福視民之去就民之去就視君之仁與不

仁君之仁與不仁在乎利民害民而已利民則天

降之福害民則天降之禍人君始乎利民害民而天

出之禍福卒及其身及其子孫可不畏哉可不慎哉

日既沒矣月既望矣星不能不希矣非星之希是星

難乎其為光矣能為其光者不亦希乎漢唐既創業

生理大全卷十

聖人  
貴成  
天下  
之事

矣呂武既擅權矣臣不能不希矣非臣之希是臣難  
乎其為忠矣能為其忠者不亦希乎  
忠臣之節見於危難故曰不亦希乎  
集覽 呂武漢呂后  
是知任天下事易死天下事難死天下事易成天下  
事難苟成之又何計乎死與生也如其不成雖死奚  
益况其有正與不正者乎與其死于不正孰若生千  
正與其生于不正孰若死于正在乎忠與智者之十  
擇焉死固可惜貴乎成天下之事也如其敗天下之  
事一死奚以塞責生固可愛貴乎成天下之事也如

其敗天下之事一死何以收功  
任天下之事易於死天下之事死天下之事易於  
成天下之事故聖人貴成天下之事而不計乎死  
與生也生而敗天下之事生以奚益死而不能成  
天下之事死以奚益生也君子未嘗有所擇  
所擇者正與不正而已不正而死不若正而生不  
正而生不若正而死君子無求生以害仁不置乎  
苟生以敗天下之事也有殺身以成仁貴乎成天  
下之事而死之以正也至于死則非君子之所得

孟子卷一  
告子上

性理大全卷十  
已不得已而死死而能有所成則死猶生也故君  
子必死之雖然唯聖人無死地無死地者不獨能  
知幾而又且見于未萌也所以能見於未萌者以  
明乎理故也如舜不為象所害孔子不為匡人桓  
魋所殺是也凡能為人所害所殺者謂之仁謂之  
難則可不可以謂之聖也然聖人非臨難苟免蓋  
不至于苟免之地也苟不能見於未萌不幸而至  
于難權輕重而義有所在死其所當死亦聖人之  
所許也若子路之死於蒯瞶可以死可以無死死

傷勇者也故孔子謂柴也其來乎由也其死矣孔  
子不以柴之來為非則知由之死未為是也方子  
路之未死孔子已謂若由也不得其死然則知子  
路之死聖人之所不取也子畏於匡顏淵後孔子  
曰吾以女為死矣顏淵曰子在回何敢死使孔子  
死於匡則顏淵必死之矣若顏淵可謂知所事知  
所死矣後世之人不明義理不擇所事而死於其  
難者有之矣是特犬馬之忠而已比之賣玉以為  
利者固有間然皆不得其死者也嗚呼君子之出

處所與所事實死生之所繫可不擇哉

**集覽**

孔子不

桓雅所敘按史記魯定公十四年孔子適陳過匡匡人嘗為陽虎所暴孔子貌類陽虎匡人以兵圍之五日既免過曹適宋與弟子習禮太樹下桓雅伐其樹孔子去之注匡宋邑也桓雅宋司馬向雅也出於桓公故又稱桓氏子路之於蒯瞶左傳哀十五年衛孔圍取太子蒯瞶之姊孔伯姬生埋太子自戚入適伯姬氏既食孔伯姬杖戈而先太子與五人介與從之欲用以盟迫子埋於廁強盟之孔氏專政故却懼欲令逐執遂劫以登臺樂寧聞亂使告季子特為孔氏邑宰召獲奉衛侯輒來奔季子將入遇子羔將出日門已閉矣季子曰古姑至焉子羔曰弗及不踐其難季子曰食焉不辭其難子羔遂出子路入及門有使者出乃入日太子焉用孔埋雖殺之必或繼之且日太子無勇若燔墓中以舍孔叔太子聞之懼下石乞孟黶敵子路以戈擊之絕纓子路日君子死冠不絕纓纓而死在蒯瞶靈公之子季子即子路也

噫能成天下之事又能不失其正而生者非漢之留

侯唐之梁公而何微斯二人則漢唐之祚或幾乎移

矣豈若虛生虛死者焉夫虛生虛死者譬之蕭艾忠

于智者不由乎其間矣

留侯梁公於漢唐其功大矣古之成大事者不務

為區區之小忠以投人之耳目志於遠者大者而已

○觀物內篇之九

仲尼曰善人為邦百年亦可以勝殘去殺誠哉是言

也自極亂至于極治必三變矣



變極亂為極治亦必有漸故必至于二變也

三皇之法無殺五伯之法無生伯一變至于王矣王

一變至于帝矣帝一變至于皇矣其于生也非百年

而何

古者謂三十年為一世天時人事更一世則變變

王極治而為極亂變極亂而為極治皆有漸次世變

至于三則幾百年也

是知三皇之世如春五帝之世如夏三王之世如秋

五伯之世如冬如春温如也如夏燠如也如秋寒如

也如冬冽如也

大皇帝王伯春夏秋冬其時如此温燠凄冽其變如

大此道而主此道者而大時由是而生入也言而

春夏秋冬者昊天之時也易書詩春秋者聖人之經

也天時不差則歲功成矣聖經不忒則君德成矣

天時聖經其道一也歲功君德由此而成也

天有常時聖有常經行之正則正矣行之邪則邪矣

邪正之間有道在焉行之正則謂之正道行之邪則

謂之邪道邪正由人乎由天乎

聖經不忒則君成

君子則正，小人則邪。邪正在人，而所以使邪正之  
 邪得行，則在天。故曰：由人乎？由天乎？君子小人，正道  
 天邪道，猶天之有消息盈虛，消息盈虛，莫非天也。雖  
 曰：天亦由乎人也。故聖人獨責於人，盡人事而後  
 出，可以言天也。苟一切歸之于天，則人事廢矣。是猶  
 未嘗播種耕耘而罪歲者也。夫天由道而生，地由道而成，物由道而形，人由道而行。  
 天地人物，則異也。其于由道一也。且夫天地人物，皆由乎道。  
 嘗謂萬物莫不由之，之謂道。天地人物，皆由乎道。

者也。夫道也者，道也。道無形，行之則見于事矣。如道路之  
 道，坦然使千億萬年行之人，知其歸者也。道無形跡，故名之曰道。以謂如道路之道，名之曰  
 道，則已在乎形跡之間矣。然則道果何在？乎易曰：一陰一陽之謂道。孟子曰：萬物莫不由之，之謂道。  
 又曰：道若大路，然使天下之人由此而求之也。聖  
 人語道，止可至此。在學者潛心焉。既由乎道，則知  
 所歸矣。

或曰君子道長則小人道消君子道消則小人道長  
長者是則消者非也消者是則長者非也何以知正  
道邪道之然乎吁賊夫人之論也  
有君子之道有小人之道君子小人之進退猶陰  
陽之消長也一陰一陽一消一長天之道也然聖  
人未嘗不助陽而抑陰進君子而退小人蓋陽之  
與君子助而進之猶不足陰之與小人抑而退之  
猶不能人事不可以不盡人事既盡其成敗則繫  
乎天非人力之所及也故治亂天也君子不謂之

天命

天有人事存焉故也  
不曰君行君事臣行臣事父行父事子行子事夫行  
夫事妻行妻事君子行君子事小人行小人事中國  
行中國事夷狄行夷狄事謂之正道君行臣事臣行  
君事父行子事子行父事夫行妻事妻行夫事君子  
行小人事小人行君子事中國行夷狄事夷狄行中  
國事謂之邪道

生理大全卷一

皇極經世一書

十一

上下各得其所而天下治

行中國事夷狄行夷狄事則上下各得其所而天下治矣故謂之正道反此則亂矣故謂之邪道  
至于三代之世治未有不治人倫之為道也三代之世亂未有不亂人倫之為道也後世之慕三代之治世者未有不正人倫者也後世之慕三代之亂世者未有不亂人倫者也  
夫所以謂之人倫者尊卑上下皆得其理而已得其理則治失其理則亂治則興亂則亡自古皆然也嗚呼人倫不明而欲治天下其可得乎堯以是傳

孔子孟由此無教萬世

之舜舜以是傳之禹三代之聖君莫不由此以治天下孔子孟莫不以此垂教於萬世楊氏為我是無君也墨氏兼愛是無父也無父無君是禽獸也為我兼愛豈不美哉其弊則至於無父無君為天下其之害也大矣  
自三代而下漢唐為盛未始不由治而興亂而亡況其不盛于漢唐者乎

三代之盛王皆由明人倫而興其後世皆由廢人倫而亡漢唐不逮三代之盛其興也亦莫不由此

生理大全卷一

皇朝經世書

十一

而興其亡也亦莫不由此而亡如唐之太宗人倫  
已不甚明矣故其後世數致禍亂嗚呼有天下者  
其人又大倫其可廢乎捨是則與禽獸夷狄奚擇東  
狄之相殘禽獸之相食以無人倫故也  
其興也又未始不由君道盛父道盛夫道盛君子之  
道盛中國之道盛其亡也又未始不由臣道盛子道  
盛妻道盛小人之道盛夷狄之道盛  
臣不尊君子不順父妻不從夫夷狄之凌中國小  
人之勝君子皆亂之道也

噫二道對行何故治世少而亂世多邪君子少而小  
人多邪曰豈不知陽一而陰二乎  
亂世多而治世少小人多而君子少由天之陰陽  
有陽數奇而陰數耦陰常多於陽而陽常少於陰故  
君子之進也常難而退也常易小人之進也常易  
日而退也常難理如是也  
天地尚由是道而生况其人與物乎人者物之至靈  
者也物之靈未若人之靈尚由是道而生又况人靈  
于物者乎是知人亦物也以其至靈故特謂之人也

于天地人物皆由道而生人靈於物者也靈於物故

能宰萬物天賦觀物內篇之十

日經天之元月經天之會星經天之運辰經天之世

以日經日則元之元可知之矣以日經月則元之會

可知之矣以日經星則元之運可知之矣以日經辰

則元之世可知之矣以月經日則會之元可知之矣

以月經月則會之會可知之矣以月經星則會之運

可知之矣以月經辰則會之世可知之矣以星經日

則運之元可知之矣以星經月則運之會可知之矣

以星經星則運之運可知之矣以星經辰則運之世

可知之矣以辰經日則世之元可知之矣以辰經月

則世之會可知之矣以辰經星則世之運可知之矣

以辰經辰則世之世可知之矣

之皇極經世則日月星辰元會運世以相經而皆有

二數存焉

元之元百元之會十二元之運三百六十元之世四

垂三百二十會之元十二會之會一百四十四會之

運四千三百二十會之世五萬一千八百四十演運  
 之元三百六十運之會四千三百二十運之運世十  
 二萬九千六百運之世一百五十五萬五千二百世  
 之元四千三百二十世之會五萬一千八百四十世  
 之運一百五十五萬五千二百世之世一千八百六  
 十萬二千四百六之運星極世之數百六  
 十以日經日為元之元其數一日之數一故也以日  
以經月為元之會其數十二月之數十二故也以日  
經星為元之運其數三百六十星之數三百六十

故也以日經辰為元之世其數四千三百二十辰  
 之數四千三百二十故也則是日為元月為會星  
 為運辰為世此皇極經世一元之數也一元象一  
 年十二會象十二月三百六十運象三百六十日  
 四千三百二十世象四千三百二十時也蓋一年  
 有十二月三百六十日四千三百二十時故也經  
 世一元十二會三百六十運四千三百二十世一  
 世三十年是為一十二萬九千六百年是為皇極  
 經世一元之數一元在太化之間猶一年也自元

之元更相變而至于辰之元自元之辰更相變而  
至于辰之辰而後數窮矣窮則變變則生生而不  
窮也皇極經世但著一元之數使人引而伸之可  
至于終而復始也其法皆以十二三十相乘十二  
三十日月之數也其數見于前此不復詳其消息  
盈虧之說不著于書使人求而得之蓋藏諸用也  
此易所謂天地之數也  
元之元以春行春之時也元之會以春行夏之時也  
元之運以春行秋之時也元之世以春行冬之時也  
元之元以夏行春之時也會之會以夏行夏之時也  
元之運以夏行秋之時也會之世以夏行冬之時也  
元之元以秋行春之時也運之會以秋行夏之時也  
元之運以秋行秋之時也運之世以秋行冬之時也  
元之元以冬行春之時也會之會以冬行夏之時也  
元之運以冬行秋之時也會之世以冬行冬之時也  
春夏秋冬一歲之運其變如此在天運亦然不過  
乎陰陽消長而已  
皇之皇以道行道之事也皇之帝以道行德之事也

皇之皇以道行道之事也皇之帝以道行德之事也



皇之王以道行功之事也皇之伯以道行力之事也  
帝之皇以德行道之事也帝之帝以德行德之事也  
帝之王以德行功之事也帝之伯以德行力之事也  
王之皇以功行道之事也王之帝以功行德之事也  
王之王以功行功之事也王之伯以功行力之事也  
伯之皇以力行道之事也伯之帝以力行德之事也  
伯之王以力行功之事也伯之伯以力行力之事也  
皇帝王伯一世之事其道如此在萬世亦然不過  
乎因革而已

時有消長事有因革非聖人無以盡之所以仲尼曰  
可與其學未可與適道可與適道未可與立可與立  
未可與權是知千萬世之時千萬世之經豈可盡地  
而輕言哉

外時有消長事有因革消長之有變因革之有權千  
萬世之時千萬世之事非變非權其孰能盡之能  
盡權變者其惟聖人乎賢人則猶有所未盡也小  
人而曰權變則詐而已矣

三皇春也五帝夏也三王秋也五伯冬也七國冬之

餘列也漢王而不足晉伯而有餘三國伯之雄者也  
十六國伯之叢者也南五代伯之借乘也北五代伯  
之傳舍也隋晉之子也唐漢之弟也隋季諸郡之伯  
江漢之餘波也唐季諸鎮之伯日月之餘光也後五  
代之伯日未出之星也

而三皇不言而化故於時為春五帝典章備矣故於  
宋時為夏三王法度成矣故於時為秋五伯刑殺尚  
可矣故於時為冬得時之正者皇帝王伯而已漢雜  
乎伯故王而不足晉劣於漢故伯而有餘三國伯

之盛強者也自十六國至于南北朝皆不足乎伯  
者也隋方之於晉猶父子也唐方之於漢猶兄弟  
也皆不足于王而雜乎伯者也隋季諸郡唐季諸  
鎮及乎五季皆不足道也故曰江漢之餘波日月  
之餘光日未出之星也

**集覽**

十六國謂蜀李特前趙  
劉淵後趙石勒秦苻登

後秦姚長西秦乞伏固仁燕慕容皝南燕慕容德  
西燕慕容冲北燕慕容盛涼張軌後涼呂光南凉  
秃髮烏孤西凉李暠北凉段業夏赫連勃勃也南  
五代謂宋齊梁陳後梁也北五代謂元魏北齊西  
魏東魏後周也隋季諸郡之嗣謂夏竇建德楚林  
士弘吳季子通吳杜伏威魏李密鄭王世名梁蕭  
統漢劉黑闥秦薛奉梁研都定陽劉武周凉李軌  
離石劉英王昕哈孟讓東劄翟讓燕格謙祝阿盧

明月承樂郭子和大乘高雲成許守文化及吳劉  
元進燕王須拔魏魏刀兒楚朱聚幽州羅藝燕高  
開道梁沈法典曾徐圓明長白王薄東海高士遠  
宋輔公祐扶風向海明延安劉迦論扶風李弘從  
唐唐弼唐李諸鎮之霸謂江淮劉展沐朱李靈曜  
大寧開固懷恩成德李寶臣盧龍李懷仙大雄田  
承嗣平盧李懷王彰義吳少誠昭義劉悟橫海程  
日華宣武劉玄佐朔方李懷光淮南陳少游襄陽  
梁從義蜀劉闢昭義盧從史夏綏揚惠琳邠寧朱  
政鳳翔李昌符同華韓建西川陳敬瑄東川楊師  
立岐李茂貞河中王重榮鎮海李鈞淮南高駢光  
壽王緒許川鹿晏弘江陵劉漢宏後五代之霸謂  
梁唐晉  
漢周也

自帝堯至于今上下三千餘年前後百有餘世書傳  
可明紀者四海之內九州之間或合或離或治或隳

或強或弱或興或廢或唱或隨未始有兼世而能一其風俗者  
吁古者謂三十年為一世豈徒然哉俟化之必洽教  
之必浹民之情始可以下變矣苟有命世之人繼世  
而興焉則雖民如夷狄三變而帝道可舉惜乎時無  
百年之世世無百年之人比其有代則賢之與不肖  
何止于相半也時之難不其然乎人之難不其然乎  
上論歷代之治此又論治世少亂世多蓋自堯舜  
以來一治一亂興廢之間不過十二世而其風已  
衰矣自極亂而至極治俟化之必洽教之必浹天

下始一變矣古者謂三十年爲一世不獨天時之  
變如此在人事一變亦非三十年則不可苟有命  
世之人繼世而興雖民如夷狄三變而帝道可舉  
所三變則百年矣故必百年而後功成治定也然時  
無百年之世世無百年之人比其有代子孫又未  
而必皆賢而不克嗣迹者多矣時之難如此人之難  
又如此則治世所以少而亂世所以多也  
觀物內篇之十一  
太陽之體數十太陰之體數十一少陽之體數十少  
陰之體數十二少剛之體數十少柔之體數十二太  
剛之體數十太柔之體數十二進太陽少陽太剛少  
剛之體數十退太陰少陰太柔少柔之體數十謂太陽  
少陽太剛少剛之用數進太陰少陰太柔少柔之體  
數退太陽少陽太剛少剛之體數是謂太陰少陰太  
柔少柔之用數太陽少陽太剛少剛之體數一百六  
十太陰少陰太柔少柔之體數一百九十二太陽少  
陽太剛少剛之用數一百一十二太陰少陰太柔少  
柔之用數一百五十二以太陽少陽太剛少剛之用

陰之體數十二少剛之體數十少柔之體數十二太  
剛之體數十太柔之體數十二進太陽少陽太剛少  
剛之體數十退太陰少陰太柔少柔之體數十謂太陽  
少陽太剛少剛之用數進太陰少陰太柔少柔之體  
數退太陽少陽太剛少剛之體數是謂太陰少陰太  
柔少柔之用數太陽少陽太剛少剛之體數一百六  
十太陰少陰太柔少柔之體數一百九十二太陽少  
陽太剛少剛之用數一百一十二太陰少陰太柔少  
柔之用數一百五十二以太陽少陽太剛少剛之用

數為太陰少陰太柔少柔之用數是謂日月星辰之  
變數以太陰少陰太柔少柔之用數和太陽少陽大  
剛少剛之用數是謂水火土石之化數日月星辰之  
變數一萬七千二十四謂之動數水火土石之化數  
一萬七千二十四謂之植數再唱和日月星辰水火  
土石之變化通數二萬八千九百八十一萬六千五  
百七十六謂之動植通數  
日月為太陽其數十月為太陰其數十二星為少陽  
其數十二辰為少陰其數十二石為少剛其數十二

為少柔其數十二火為太剛其數十水為太柔其  
數十二太陽少陽太剛少剛之本數四十六陰少  
陰太柔少柔之本數四十有八以四因四十得十  
百六十以四因四十八得一百九十二是謂太陽  
少陽太陰少陰太剛少剛太柔少柔之體數一百  
六十數之內退四十八得一百一十二一百九十  
三數內退四十得一百五十二是謂太陽少陽太  
陰少陰太剛少剛太柔少柔之用數也陰陽剛柔  
互相進退去其體數而所存者謂之用數陰陽剛


柔所以相進退者陽中有陰陰中有陽剛中有柔  
柔中有剛天地交際之道也以一百一十二因一  
百五十二得一萬七千二十四謂之水火土石之  
化數以一百五十二因一百一十二得一萬七千  
二十四謂之日月星辰之變數變數謂之動數化  
數謂之植數以一萬七千二十四因一萬七千二  
十四得二萬八千九百八十八萬六千五百七十  
六是謂動植之通數此易所謂萬物之數也或曰  
經世之數與太衍之數不同何也曰易用九六經

本世用十而一用十一用十二用極數也十去其一則九  
矣去其二分而為三則六矣故日陽也止于十月陰  
風也止于十二此之謂極數太衍經世皆本於四四  
兩者四象之數也故太衍四四因九得三十六是為  
日乾一爻之策數四因六得二十四是為坤一爻之  
策數六因三十六得二百一十有六是為乾一卦  
之策數六因二十四得百四十有六是為坤一卦  
之策數乾坤之策凡三百六十也三十二因二百  
一十六得六千九百一十有二是為三十二陽卦

性理大全卷一

皇極經世一

三



聖賢  
立法  
不同

之策數三十二因百四十有四得四千六百有八  
是為三十二陰卦之策數合二篇之策凡萬有一  
千五百二十也如太玄之數則用三數聖賢立法  
不同其所以為數則一也一十百六千萬萬萬  
日月星辰者變乎暑寒晝夜者也水火土石者化乎  
兩風露雷者也暑寒晝夜者變乎性情形體者也兩  
風露雷者化乎走飛草木者也暑變飛走草木之性  
寒變飛走草木之情晝變飛走草木之形夜變飛走  
草木之體兩化性情形體之走風化性情形體之飛

露化性情形體之草雷化性情形體之木

有日月星辰則有暑寒晝夜蓋日為暑月為寒星  
為晝辰為夜也有水火土石則有兩風露雷蓋木  
為兩火為風土為露石為雷也有暑寒晝夜則有  
性情形體蓋暑變物之性寒變物之情晝變物之  
天形夜變物之體也有兩風露雷則有走飛草木蓋  
兩化物之走風化物之飛露化物之草雷化物之  
木也暑寒晝夜兩風露雷又相交感而變化焉此  
萬物之所以生也

性情形體者本乎天者也走飛草木者本乎地者也  
本乎天者分陰分陽之謂也本乎地者分柔分剛之  
謂也夫分陰分陽分柔分剛者天地萬物之謂也備  
天地萬物者人之謂也  
天地陰陽萬物由之以生人備天地萬物而靈於  
萬物者也  
觀物內篇之十二  
有日月之物者也有日月之物者也有日星之物者  
也有日辰之物者也有月日之物者也有月月之物

者也有月星之物者也有月辰之物者也有星日之  
物者也有星月之物者也有星星之物者也有星辰  
之物者也有辰日之物者也有辰月之物者也有辰  
星之物者也有辰辰之物者也  
日日之物太陽之太陽者也日月之物太陽之太  
陰者也日星之物太陽之少陽者也日辰之物太  
陽之少陰者也月日之物太陰之太陽者也月月  
之物太陰之太陰者也月星之物太陰之少陽者  
也月辰之物太陰之少陰者也星日之物少陽之



太陽者也星月之物少陽之大陰者也星星之物  
少陽之少陽者也星辰之物少陽之少陰者也辰  
日之物少陰之大陽者也辰月之物少陰之大陰  
者也辰星之物少陰之少陽者也辰辰之物少陰  
之少陰者也物之感化如此

日日物者飛飛也日月物者飛走也日星物者飛木  
也日辰物者飛草也月日物者走飛也月月物者走  
走也月星物者走木也月辰物者走草也星日物者  
木飛也星月物者木走也星星物者木木也星辰物

者木草也辰日物者草飛也辰月物者草走也辰星  
物者草木也辰辰物者草草也

飛飛者飛而捷者也飛走者飛而走者也飛木者  
飛而類乎木者也飛草者飛而類乎草者也走飛  
者走而飛者也走走者走而走者也走木者走而  
類乎木者也走草者走而類乎草者也木飛者木  
之類乎飛者也木走者木之類乎走者也木木者  
木之木者也木草者木之類乎草者也草飛者草  
之類乎飛者也草走者草之類乎走者也草木者

草之類乎木者也草草者草之草者也物之氣類  
如此

有皇皇之民者也有皇帝之民者也有皇王之民者  
也有皇伯之民者也有帝皇之民者也有帝帝之民  
者也有帝王之民者也有帝伯之民者也有王皇之  
民者也有王帝之民者也有王王之民者也有王伯  
之民者也有伯皇之民者也有伯帝之民者也有伯  
王之民者也有伯伯之民者也

無爲之謂皇尚德之謂帝尚功之謂王尚力之謂

伯皇皇之民者皇之皇者也皇帝之民者皇之帝  
者也皇王之民者皇之王者也皇伯之民者皇之  
伯者也帝皇之民者帝之皇者也帝帝之民者帝  
之帝者也帝王之民者帝之王者也帝伯之民者  
帝之伯者也王皇之民者王之皇者也王帝之民  
者王之帝者也王王之民者王之王者也王伯之  
民者王之伯者也伯皇之民者伯之皇者也伯帝  
之民者伯之帝者也伯王之民者伯之王者也伯  
伯之民者伯之伯者也均爲皇也均爲帝也均爲

王也均為伯也其世變汚隆不同如此  
 皇皇民者士士也皇帝民者士農也皇主民者士工  
 也皇伯民者士商也帝皇民者農士也帝帝民者農  
 農也帝王民者農工也帝伯民者農商也王皇民者  
 工士也王帝民者工農也王王民者工工也王伯民  
 者工商也伯皇民者商士也伯帝民者商農也伯王  
 民者商工也伯伯民者商商也  
 由道之謂士務本之謂農興作之謂工趨利之謂  
 商皇帝王伯世變不同如此故士農工商民俗之

澆淳不同如此

飛飛物者性性也飛走物者性情也飛木物者性形  
 也飛草物者性體也走飛物者情性也走走物者情  
 情也走木物者情形也走草物者情體也木飛物者  
 形性也木走物者形情也木木物者形形也木草物  
 者形體也草飛物者體性也草走物者體情也草木  
 物者體形也草草物者體體也  
 性情形體有同異所以物之有氣類也

士士民者仁仁也士農民者仁禮也士工民者仁義

也士商民者仁智也農士民者禮仁也農農民者禮  
禮也農工民者義禮也農商民者禮智也工士民者  
義仁也工農民者義禮也工工民者義義也工商民  
者義智也商士民者智仁也商農民者智禮也商工  
民者智義也商商民者智智也

仁義禮智有等差民俗之所以不同也

飛飛之物一之一飛走之物一之十飛木之物一之  
百飛草之物一之千走飛之物十之一走走之物十  
之十走木之物十之百走草之物十之千木飛之物

百之一木走之物百之十木木之物百之百木草之  
物百之千草飛之物千之一草走之物千之十草木  
之物千之百草草之物千之十  
飛飛之物一之一謂為一物而兼兆物者也自此  
各有等差以至於草草之物物之極細者也故為  
千之千物之巨細如此  
士士之民一之一士農之民一之十士工之民一之  
百士商之民一之千農士之民十之一農農之民十  
之十農工之民十之百農商之民十之千工士之民

性理大全卷一 皇極經世一 三十一

百之一工農之民百之十工士之民百之百工商之  
民百之千商士之民千之一商農之民千之十商工  
之民千之百商商之民千之千  
士士之民一之一謂為一人而兼非人者也自此  
各有等差以至於商商之民民之極細者也故為  
千之千人之賢愚如此  
一之飛當兆物一十之飛當億物一百之飛當萬  
物一千之飛當千物十之走當億物十十之走當  
萬物十百之走當千物十千之走當百物百一之水

性理大全卷十  
皇朝經世文編  
一  
三十四

當萬物百十之水當千物百百之水當百物百千之  
水當十物千一之草當千物十十之草當百物千百  
之草當十物千千之草當一物

此物之所以有巨細也

一之士當兆民一十之士當億民一百之士當萬  
民一千之士當千民一十之農當億民十十之農當  
萬民十百之農當千民十千之農當百民百十之工  
當萬民百十之工當千民百百之工當百民百千之  
工當十民千一之商當千民十十之商當百民千百

性理大全卷十  
皇朝經世文編  
一  
三十五

之商當千民千千之商當一民  
此人之所以有賢愚也

為一之物能當兆物者非巨物而何為一之民  
能當兆民者非巨民而何為千千之物能分一物者  
非細物而何為千千之民能分一民者非細民而何  
為一之物能當兆物者謂以一物而可以兼兆  
物物之至者也為一之民能當兆民者謂以一  
民而可以兼兆民人之至者也為千千之物而分  
一物者物之細者也為千千之民而分一民者人

天之細者也

固知物有大小民有賢愚移昊天生兆物之德而生  
兆民則豈不謂至神者乎核昊夫養兆物之功而養  
兆民則豈不謂至聖者乎吾而今而後知踐跡為天  
非太聖大神之人豈有不負於天地者矣

物有巨細民有賢愚皆由所稟而然萬物各得天  
地之一端萬物之中復有巨細人能兼萬物而亦  
有賢愚之異猶物之有巨細也聖人則既兼兆物  
矣又能兼兆民非獨兼人兼物也又能兼天地能

注

卷

三

聖人能通天地之志

兼天地故能彌綸天地能兼兆物故能曲成萬物  
能兼兆民故能通天下之志此所以能生兆物養  
兆民也人之身實具天地萬物唯聖人則能反  
身而誠踐而履之如是則不負于天地矣  
夫所以謂之觀物者非以目觀之也非觀之以目而  
觀之以心也非觀之以心而觀之以理也  
以目觀物見物之形以心觀物見物之情以理觀  
物盡物之性

天下之物莫不有理焉莫不有性焉莫不有命焉所

以謂之理者窮之而後可知也所以謂之性者盡之  
而後可知也所以謂之命者至之而後可知也此三  
知者天下之真知也雖聖人無以過之也而過之者  
非所以謂之聖人也

窮理盡性以至于命是謂真知聖人亦不過如是  
而已矣

夫鑑之所以能為明者謂其能不隱萬物之形也雖  
然鑑之能不隱萬物之形未若水之能一萬物之形  
也雖然水之能一萬物之形未若聖人能一萬物

聖人一能一萬物之情

之情也聖人之所以能一萬物之情者謂其聖人之能反觀也

鑑以金為之工出人手鎔治模範有所不同則其明之照物有時乎差矣故不若水之為明出於自然也水能照表不能照裏微風過之清明動於土重濁亂于下則不得夫形之正矣故不若聖人之明也聖人之明表裏洞照幽明必燭天下之物無出之者以其能反觀也能反觀者以萬物皆備於我自我而觀之也自我而觀物則能物物而不物

於物不物於物故能以物觀物能以物觀物者能無我故也

所以謂之反觀者不以我觀物也不以我觀物者以物觀物之謂也既能以物觀物又安有我於其間哉能明乎理則能反觀能反觀則能無我不以我觀物者能無我故也為天下之害者莫大乎有我自我則無自而可矣世之人所以至於以是為非以非為是以善為惡以惡為善以治為亂以亂為治以君子為小人以小人為君子顛倒錯亂無所不

莊子齊物論



至者皆以我為之蔽也故君子之患在蔽於我衆人之患在蔽於物蔽於我蔽於物君子衆人雖不同其害道一也

是知我亦人也人亦我也我與人皆物也

人之生也同乎天地我之與人人之與物本乎一道故聖人盡己之性以盡人之性盡人之性以盡物之性親親而仁民仁民而愛物老吾老以及人之老幼吾幼以及人之幼其趨利避害好生惡死之心我之與人人之與物未嘗異也一有我於其

間則責於己無所不恕責於人無所不備施於己無所不厚施於人無所不薄推是心以往則無所不至是皆聖人之罪人也

此所以能用天下之目為己之目其目無所不觀矣用天下之耳為己之耳其耳無所不聽矣用天下之心為己之心其口無所不言矣用天下之心為己之心其心無所不謀矣夫天下之觀其于見也不亦廣乎天下之聽其于聞也不亦遠乎天下之言其于論也不亦高乎天下之謀其于樂也不亦大乎

性理大全卷十 皇極經世一書 三十八

聖人能同乎天能同乎天故能同乎人能同乎人  
 故能用天下之目為己之目天亦之耳為己之耳  
 天下之口為己之口天下之心為己之心孟子曰  
 大舜善與人同所以能明四目達四聰蓋由斯道  
 也  
 夫其見至廣其聞至遠其論至高其樂至大能為至  
 廣至遠至高至大之事而中無一為焉豈不謂至神  
 至聖者乎非唯吾謂之至神至聖者乎而天下謂之  
 至神至聖者乎非唯一時之天下謂之至神至聖者

乎而千萬世之天下謂之至神至聖者乎過此以往  
 未之或知也已

此篇明觀物之太旨所以謂之觀物者天地亦物  
 也而况於己乎己亦物矣而况於人乎人亦物矣  
 而况於物乎夫天地人物至于己皆同乎物矣  
 然後能觀物觀物之旨不亦深乎天地之大有生  
 之類皆物也物皆有理自非有道者其孰能觀之  
 哉所以謂之觀物者非以自觀之而觀之以心也  
 非觀之以心而觀之以理也以自觀物者見於前

三知  
聖人  
之真


而忘其後得於近而遺於遠烏足以盡天下之物  
哉以心觀物者有所忿懣則不得其正有所恐懼  
則不得其正有所好樂則不得其正有所憂患則  
不得其正烏足以盡天下之物哉以理觀物則是  
是非非善善惡惡無遠無近無前無後無得而逃  
於吾之所觀矣無得而逃於吾之所觀則天下之  
理皆得矣天下之理皆得所以能窮理盡性以至  
於命也理者窮之而後知性者盡之而後知命者  
至之而後知此三知者聖人之真知也知是三者

則其於天下之事何所不知矣夫鑑之能不隱萬  
物之形不若水之能一萬物之形水之能一萬物  
之形不若聖人之能一萬物之情聖人之能一萬  
物之情以其能反觀也所以謂之反觀者不以我  
觀物也不以我觀物者以物觀物之謂也如是則  
以身觀身以家觀家以國觀國以天下觀天下亦  
從而可知也且我亦人也則烏有所謂我哉我與  
人皆物也則烏有所謂物哉無物無人無我矣然  
後能用天下之目為己之目用天下之耳為己之

生理大全卷下

三知聖人三知

四一



耳用天下之口為己之口用天下之心為己之心  
 能合天下之耳目心口其於聞見謀論不亦廣大  
 高遠乎唯其用天下聞見謀論以為聞見謀論則  
 夫何為哉無為而已矣故曰能為至廣至遠至高  
 至大之事而中無一為焉豈不謂至神至聖者乎  
 如是則天下之能事畢矣故曰過此以往未之或  
 知也

新刻性理大全第十卷終

